



Тем, что эта книга дошла до Вас, мы обязаны в первую очередь библиотекарям, которые долгие годы бережно хранили её. Сотрудники Google оцифровали её в рамках проекта, цель которого – сделать книги со всего мира доступными через Интернет.

Эта книга находится в общественном достоянии. В общих чертах, юридически, книга передаётся в общественное достояние, когда истекает срок действия имущественных авторских прав на неё, а также если правообладатель сам передал её в общественное достояние или не заявил на неё авторских прав. Такие книги – это ключ к прошлому, к сокровищам нашей истории и культуры, и к знаниям, которые зачастую нигде больше не найдёшь.

В этой цифровой копии мы оставили без изменений все рукописные пометки, которые были в оригинальном издании. Пускай они будут напоминанием о всех тех руках, через которые прошла эта книга – автора, издателя, библиотекаря и предыдущих читателей – чтобы наконец попасть в Ваши.

Правила пользования

Мы гордимся нашим сотрудничеством с библиотеками, в рамках которого мы оцифровываем книги в общественном достоянии и делаем их доступными для всех. Эти книги принадлежат всему человечеству, а мы – лишь их хранители. Тем не менее, оцифровка книг и поддержка этого проекта стоят немало, и поэтому, чтобы и в дальнейшем предоставлять этот ресурс, мы предприняли некоторые меры, чтобы предотвратить коммерческое использование этих книг. Одна из них – это технические ограничения на автоматические запросы.

Мы также просим Вас:

- **Не использовать файлы в коммерческих целях.** Мы разработали программу Поиска по книгам Google для всех пользователей, поэтому, пожалуйста, используйте эти файлы только в личных, некоммерческих целях.
- **Не отправлять автоматические запросы.** Не отправляйте в систему Google автоматические запросы любого рода. Если Вам требуется доступ к большим объёмам текстов для исследований в области машинного перевода, оптического распознавания текста, или в других похожих целях, свяжитесь с нами. Для этих целей мы настоятельно рекомендуем использовать исключительно материалы в общественном достоянии.
- **Не удалять логотипы и другие атрибуты Google из файлов.** Изображения в каждом файле помечены логотипами Google для того, чтобы рассказать читателям о нашем проекте и помочь им найти дополнительные материалы. Не удаляйте их.
- **Соблюдать законы Вашей и других стран.** В конечном итоге, именно Вы несёте полную ответственность за Ваши действия – поэтому, пожалуйста, убедитесь, что Вы не нарушаете соответствующие законы Вашей или других стран. Имейте в виду, что даже если книга более не находится под защитой авторских прав в США, то это ещё совсем не значит, что её можно распространять в других странах. К сожалению, законодательство в сфере интеллектуальной собственности очень разнообразно, и не существует универсального способа определить, как разрешено использовать книгу в конкретной стране. Не рассчитывайте на то, что если книга появилась в поиске по книгам Google, то её можно использовать где и как угодно. Наказание за нарушение авторских прав может оказаться очень серьёзным.

О программе

Наша миссия – организовать информацию во всём мире и сделать её доступной и полезной для всех. Поиск по книгам Google помогает пользователям найти книги со всего света, а авторам и издателям – новых читателей. Чтобы произвести поиск по этой книге в полнотекстовом режиме, откройте страницу <http://books.google.com>.

ሀ በ ቀ ጅ ሶ ቶ

ኒ ሀ ፀ ነ ሀ ነ ሀ ነ ቶ

ቶረ.

Ե Ղ Ի Շ Ե Ի

Ք Ա Հ Ա Ն Ա Յ Ի

Ճ Ա Ռ

ՅԱՅԼԱԿԵՐՊՈՒԹԻՒՆ ՏԵԱՌՆ



Ի Վ Ե Ն Ե Տ Ի Կ

Ի Տպարանի Միփրարեանց

Ռ Ե Գ - 1854

ՍՐԲԱՍԻՐԻ
ՏԵԱՌԸ ԵՂԻՇԷԻ
ԳԵԼԱՆԱՅԻ
ԵՒ
ՃԳՆԱԻՈՐ ԿՐՕՆԱԻՈՐԻ
ԵՒ ՄԻԱՅՆԱԿԵՑԻ
Ի ԲԱՐՈՐ ԼԵՐԻՆ
ՅԱՅՅՆՈՒԹԻՒՆ ՏԵԱՌԸ
ԱՌ ԳԵՏՐՈՍԵՆՆՑ
ԵՒ
Ի ՄԵՆ ԱԻՈՒՐ ՎԱՐԴԱՎԱՌԻՆ



ՄԻՆՉԻՅՈՒ երթային նոքա 'ի ճա-
նապարհի , ասէ տէր մեր ցերկոտա-
սանսն . Զո՞ ուստեք ասեն զինէն
մարդիկս թէ իցեմ : Պատմեցին նմա
զարաաքնոցն , զի այլ ընդ այլոյ
կարծէին : Ասէ ցնոսա . Իսկ դուք
զի՞նչ ասէք զինէն . յառաջեցաւ
Պետրոս և ասէ . Դու ես Քրիստոս
Յիսուս Որդի Աստուծոյ : Գովեաց
տէր մեր զգեզեցիկ վկայութիւն նո-
րա , և Հօր իւրում ետ զյայտնու-
թիւն շնորհին . և զի գեռ եւս Պետ-
րոս այսր և անդր դեգերէր , կար-
ծէր եթէ Քրիստոս ոչ մեռանիցի ,
ոչ քաջ գիտացեալ , եթէ մահուամ
բըն նորա մահ մեռանի և աշխարհ
կենդանանայ . ետես տէր մեր եթէ
մոռացաւ Սիմոն զերանութիւնսն
երկնաւորս , արկ մորմոքումն բանից
'ի լսելիս նորա . բոլոր ինքն շարժե-
ցաւ յահագին երկեւղէն . իբրեւ
ԺԸ . 1

լուաւ 'ի տեառնէ, եթէ Պարտ է որդւոյ մարդոյ բազումս չարչարանս ընդունել, մեռանել և յերկր աւուր յառնել. յոյժ տրտմեցոյց անուամբ մահուն և առաւել քան զյոյժ մխիթարեաց աւետեօք յարութեանն : Իսկ նորա 'ի մեծ տագնապէ՝ մահուն յիշատակօք մոռացաւ զաւետիս յառնելոյն . որպէս և է տեսանել 'ի բնութեանս մերում . հին ախտքն բնութեանն մեղացն՝ ոչ տայ թոյլ վաղվազակի եկամուտ նորոյ կենացս 'ի ներքս անկանել . որպէս և որդիք ժողովրդեանն հին կուրութեամբն խանտային ընդ նորոյ կենացս երեւումն, անուանելով զնո Նզիա կամ Նրեմիա կամ զայլ ոք յառաջին մարգարէիցն, չար 'ի մխիթարութիւն անձանց իւրեանց մահկանացուացս : Մահկանացու կարծէք՝ զմիտս ժողովրդեանն յերկուացուցանելով յայնմանէ, որ եկն կատարել զբանս մարգարէիցն . նովին ախտիւ իօթանայր և Պետրոս . զվկայութիւնն գեղեցիկ մատոյց, զնորհուրդան չար

րաչար հիւանդացոյց . իբրեւ յան-
 զգայ սաստկագոյնս ընդդէմ չողաւ .
 Քա՛ւ քեզ , մի՛ լիցի այդ բան , ասէ :
 Զբոլոր հին կարծիս մտացն ած
 թափեաց , զառաջին գեղեցիկ վկայ-
 ութիւնն ելոյծ . Հայր յայտնեաց
 նմա զբոլոր աստուածութիւնն
 Որդւոյ , զի աստուածութեամբ և
 մարդկութեամբ զչարչարանսն ըն-
 դունիցի՛ , և որ չարչարիցի՛ նոյն և
 յառնիցէ : Յայսմ աւետիս խնդալ
 էր ամենեցուն և ոչ ըղձիւք արգե-
 լուլ զնա յերկոցունց : Տեսե՛ր , ուր
 զաստուծոյն խօսեցաւ՝ երանի ետ
 նմա . իսկ ուր ըստ հին մարդոյն խոր-
 հեցաւ՝ ասաց նմա յայտնապէս ,
 Յետս երթ սատանայ , զի ոչ խոր-
 հիս զԱստուծոյն , այլ զմարդկանս :

Մարդոյ խորհուրդք իբրեւ ըզ-
 ծուխ անպիտան են . 'ի ծուխ անդր
 սաստեաց և հետակորոյս արար զնա
 'ի նոր մարդոյս , զի իցէ ինքնածագ-
 լոյս առանց ապականացու խորհր-
 դոյ . որ և արքունիքն իսկ անուա-
 նելոց էին՝ յորս սաստեաց , և առ-
 ընկէց զնա յետոյ իւր , զի ինքն ըզ-

կամս Հօր իւրոյ կատարիցէ առանց
 գայթակղութեան իրիք գնելոյ : Ու-
 սոյց և նոցա չարչարանս ընդունել
 յիւրաքանչիւր անձինս , և անդէն
 առ նմին յուսով յարութեամբ
 հաստատեաց զնոսա . ոչ միայն որ
 յապայն լինիցի , այլ զի և առժա-
 մայն փոքր 'ի շատէ ցուցցէ զնմա .
 նութիւն երկրորդ գալատեանն իւ-
 րոյ , որպէս և ասէ իսկ անգուռ վը-
 կայութեամբ . Արդարեւ ասեմ
 ձեզ , իցեն ոմանք որ այժմ աստ
 կայցեն , մի ճաշակեսցեն զմահ , մին-
 չեւ տեսցեն զարքայութիւնն Աս-
 տուծոյ . զի եկեալ հասեալ իցէ զօ-
 րութեամբ իւրով :

Եւ յայսմ տեղւոջ երեւի ոմանց
 սակաւիկ մի ընդդէմ միմեանց բանք
 աւետարանագրացն . Մատթէոս
 յետ վեց աւուր ասէ . իսկ Ղուկաս
 և Մարկոս յետ ութ աւուր ասեն .
 այլ միք բաւական համարիմք զո-
 մանց ասացեալսն . Մատթէոս , ա-
 սեն , զաստի անտիսն եթող և միայն
 զմիջոցն առ 'ի համար . իսկ երկուքն
 և զնոստանալն և զերեւելն հան-



գերձ միջաւն . և հաճոյ թուեցաւ
 ամենեցուն ընդունել զայս . և մեք
 'ի նոցուն հաւանիմք միաբանեալ ,
 որպէս ցուցանէ մեզ Մարկոս աւե-
 տարանագիր . Եւ եղեւ յետ բանիցս
 այսոցիկ իբրեւ անցին աւուրք ութ ,
 առեալ տէր մեր ընդ իւր զՊետրոս
 և զՅակոբոս և զՅովհաննէս , և ել
 'ի լեառն մի բարձր առանձինն . և
 յայլակերպս եղեւ առաջի նոցա ,
 և ձորձք իւր եղեն փայլուն և սպի-
 տակ յոյժ , որպէս զի ոչ կարէին
 թափիչք երկրի այնպիսի ինչ սպի-
 տակացուցանել . և երեւեցան նոցա
 Մովսէս և Եղիա զի կային և խօսէին
 ընդ Յիսուսի և պատմէին զելս նորա
 զոր կամէր կատարել յԵրուսաղէմ :
 Յայս վայր սուրբ աւետարանագիրս
 երկրորդեաց զյայանութիւնն երկ-
 նաւոր : Յամենայն բանս աստուա-
 ծային գրոց՝ յոյժ է զարմանալ հո-
 ղեղէն բնութեանս . իսկ յայնպի-
 սում յերկնաւոր երեւման՝ ոչ միայն
 մեք տկարանամք , այլ և անմարմին
 զօրութիւնք երկնից : Զբոլոր ժա-
 մանակսն զոր շրջեցաւ տէր մեր յաշ-

խորհի՛ առաւել զանցուցանէ ըստ մարդկան խոնարհութեանս . իսկ 'ի լերինս յայսմիկ' և ըստ հրեշտակացն անցոյց ահաւորութիւնն . ոչ միայն զի ինքն լուսեղէն փառօքն երեւեցաւ , այլ զի և զմահուն երեկ գրունս , և զառաքելոցն կատարեաց զխոսամունս . Աստուծոյ , ասէ , այսպէս լաւ խորհել , զի առանց մեր մի ինչ կատարեսցի : Եւ Դաւիթ յազազակելն իւրում ասէ . Ինձ սպասեն արդարք մինչեւ հատուցես : Եւ երկրորդ մեծ ձայնիւքն 'ի մեծամեծաց մինչեւ ցփոքրկունս՝ կատարածին ոչ ուրուք ընկալեալ լինի զհատուցմունսն իւրաքանչիւր . որպէս 'ի միում շաբաթու հաստատեաց զամենայն արարածս , 'ի միում աւուր շաբաթանան երկինք և երկիր , և ամենայն մարդ ընդունի ըստ վաստակոց իւրոց : Արդ էած ընդ իւր զՄովսէս և զԵզրա 'ի վկայութիւն . զի Մովսէսիւ զյարութիւն մեռելոցն ուսուցանէ նոցա . և Եզրայիւ ցուցցէ զսիրելի մահ աստուածութեանն իւրոյ նոցա , ոչ

րում Եղիայն յոյժ էր տեղեկագոյն ,
 և ցանկայր թէ երբ լինիցի տեսա-
 նել , և տեղին ճշմարիտ էր արքայ-
 ութիւն . քանզի լիով էր անդ միաս-
 նական Երրորդութիւնն : Եւ վասն
 զի ոչ է Աստուած 'ի տեղւոջ , երե-
 ւեցաւ մարմնականացն իբրեւ զտե-
 ղաւոր . և 'ի տեղւոջն ուր Աս-
 տուածն գումարեցաւ՝ առանց
 պատկառելոյ անուանի արքայու-
 թիւն . քանզի այն իսկ է արքայու-
 թիւն ուր աստուածութիւնն ե-
 րեւի :

Եւ գու , ո՛վ տէր իմ Պետրոս ,
 ընդէր զահի հարեալ ես 'ի մա-
 հուանէդ , ուստի բոլոր բարիքն զե-
 ղանին աշխարհի . զոր և այժմ իսկ
 յայլոց զգոյն լուիցես . զի ասէ ա-
 ւետարանագիրն եթէ Մովսէս և Ե-
 ղիա զելս նորա պատմէին զոր կա-
 տարելոցն էր յԵրուսաղէմ : Արդ
 իբրեւ ետես Պետրոս , եթէ մե-
 ռեալք և կենդանիք զնոյն բանս
 քարոզեն , և ինքն կամօք տէր յայն
 եկեալ է Հօր միաբանութեամբ ,
 եւս քաջ վտանգեցաւ յառաջին

երկեւզն . քանզի հաստատեալ թիտաց եթէ 'ի մահուանէ տէր մեր ոչ է զանգիտելոց . և մեզ թողուլ և փախչել զսա անհնար է . նաեւ զայն եւս քաջագոյն ածէր զմտաւ , եթէ յորժամ իջանէ սա 'ի լեռնէաստի , պարզ յԵրուսաղէմ երթայ , ուր մեզ կասկած իսկ է մահու . վասն այսր խզճի մտաց իւրոց , սկսաւ ասել ցտեր , զի հրամայեսցէ առնել տաղաւարս իւրաքանչիւր նոցա , և զՄովսէս և զԵղիա մի արձակեսցէ անդրէն . որպէս թէ ասիցէ ոք 'ի կարծիս մտաց իւրոց , թէ չիք յայսմ լերին իշխանութիւն մահու , և եթէ 'ի լեռանս յայս մահ երկընչի ելանել . Հրէայքն իսկ ոչ կարեն յանգոնել 'ի սա . տպա եթէ և մեք իսկ երթիցուք յԵրուսաղէմ , յորժամ և Մովսէս և Եղիա ընդ մեզ իցեն , ոչ կարեն քահանայքն խուել զմեզ . քանզի յոյժ տեղեկագոյն են սաստիկ ահին սոցա : Այն Մովսէս է այս որ յանապատին բիւրս բազումս կոտորեաց 'ի նոցանէ , և բանիւ հրամանաւ սորա բացաւ երկիր

և եկուլ զքանակս նոցա : Չեն ան-
տեղեակ և վասն Եղիայի , թէ սա-
կաւիկ ինչ խոժոռին ընդդէմ սո-
րա , կապէ զերկինս և արգելու
զանձրեւ 'ի սոցանէ . և եթէ եւս
յանդգնեսցին՝ իջուցանի հուր յեր-
կնից և այրէ զթշնամիան ճշմարտու-
թեանն . 'ի բազում տեղիս գիտեն
զգորութիւն ասի սորա , ոչ միայն
անուանեալ քահանայքն , այլ և
արտաքին ուրացողքն նոցա . չէ մո-
ռացեալ նոցա զսատակումն զութ-
հարիւր քրմաց նոցա զոր ինքն իւ-
րովք ձեռքն կոտորեաց 'ի հեզե-
զասն Կիշոնի . և եթէ Ա. քայաբ
թագաւոր երկնչէր 'ի սմանէ , ո՞ր-
չափ եւս Աննա և Կայիափա՝ որ
տկարագոյնք են քան զԱ. քայաբ :

Վասն այսր ամենայն կարծեաց
նոցա որ մարդկաբար երկնչէին ,
յոյժ սղորմեալ նոցա Հօր 'ի վերուստ
ասէ . Դա է որդի իմ սիրելի , դմա
լուարուք : Ծառայք երկրաւորք
պահասպանք լինէին տեառն իւ-
րեանց . զի երկոքեան անկեալք են
ընդ ախտիւք երկեւզի . երկնից տէ-

րուծիւնն ոչ ինքն յուսմքէ պահեալ
 լինի . այլ նա պահէ զամենեւեան
 իւրով զօրութեամբն : Եւ տաղա-
 ւարս հարկանել գուք մի աշխա-
 տիք . եթէ կարի ջեռարուք , ահա
 տուեալ է ձեզ ամպ հովանի , ընդ
 ամպովք հովանեաւ զովացարուք :
 Այս բարբառ իբրեւ եկն նոցա
 յերկնից , հայեցան տեսին զՅիսուս
 միայն . և ապա կարացին իմանալ ,
 եթէ յահէ անտի թմբբեալ էին նո-
 քա , և ոչ գիտէին զինչ խօսէին :
 Եւ եթէ թմբբեալս կոչէ զնոսա
 գիրն , զիսորդ ծանեան զՄովսէս և
 զԵղիա . յայտ է թէ յիմարեւոյ
 էին թմբբեալք , այլ ոչ ՚ի լսելոյ և
 յիմանալոյ . զոր աչօքն տեսին ճշ-
 մարիա էր , և զոր ականջօքն լուան՝
 չէր սուտ . այլ քանզի կարի ահա-
 գին էր ժամն , ոչ կարաց մարդ-
 կային բնութիւնն հասու լինել
 երկնաւոր բնութեանն . վասն զի
 այսր և անոր սայթաքէին և մեղա-
 գրել ոչ դք կարէր : Զի եթէ մեծն
 Աբրահամ զվերին զօրութիւնսն
 բոլորովին մարդացեալս ետես , բա-

խելով 'ի յոգիան՝ ոչ կարէր կալ 'ի վերայ ճշմարտիւ , այսր և անդր տարաբերէր զմիտան . տեսանէր երիս և մի կարծէր , կարծէր մի և խօսէր ընդ երիս . երեւէին մարդ , նա իմանայր Աստուած . և ո՞ իսկ 'ի հոգեղէն բնութեանս կարասցէ ճշմարտիւ կալ և իմանալ զայն զանբաւ մեծութիւն . ոչ միայն մարդիկ մարմնաւոր , այլ և ոչ պարզ բնութիւնքն երկնից : Յիրաւի կոչէ գիրն թմբրեալս զնոսա . յորմէ զօրութենէ լերինք հալին և անգունդք ցամաքին , և ամենայն թանձրահող երկիրս 'ի հիմանէ գորդեալ սասանի . ողորմութեամբ իւրով խնայէ 'ի մեզ , զի գործք ձեռաց նորա եմք . որպէս հանապազ յամենեսեան և այն օր երկեան 'ի լերինն :

Գիտեմք զի աստուածային գիրք այլ ընդ այլոյ չիօսին , այլ զամենայն պատմեն ճշմարտիւ . բայց է բան , որպէս ասի՝ նոյնպէս և իմանի . այլ պիտոյ է ծածկեալ մտաց բանին յայտնութիւն , որ հաւատովք ընդունին 'ի փրկութիւն ան-

ձանց : Ծանեան , տսեն , Պետրոսեանք զՄովսէս և զԵզիա . իբրեւ տսես , եթէ այո՛ ծանեան , զիմորդասեն ծանեան՝ զոր ոչն գիտէին . քաջ 'ի միտ ան զգորութիւն բանին , և մի մոռացկոտ լինիր իբրեւ զտէր Պետրոս . 'ի գլուխ ճառիդ ընթերցիր , արքայութի ասաց տեղւոյն . չիք անդ մոռացումն մարդկային , այլ յիշողութիւն անմոռացման . քան զի մեզ նմանութեամբ էր տեղին արքայութիւն , իսկ առ աստուածութիւնն ամենայնիւ բովանդակ : Ուսոյց մեզ տէր ոչ զբնական դարութիւնս , այլ զիմացական դիտութիւնն . իբրեւ թէ փոխեցան արքն յերկրէ յերկինս , զաստի իմացմունս թմբրութիւն կոչեցին . զանտեսն ճանաչելով արքայութեան մանկունս անուանեաց , և մարգարէութեան մանկունս . ուսոյց նոցա գիտութեամբ , զի ոչ եւս կարօտանայցեմք յերկնաւոր ժառանգութեանն , անծանօթս լինել առաջնոց , միջնոց և վերջնոց : Յորժամ արքայութեան որդիք լինիցին ար-

Ժանաւոր մարդիկ՝ ծանօթութիւն
 յաստուածատուր շնորհէ անտի
 բաշխի . զոր այժմ մտօք իմանամք՝
 ընդ հայելի օրինակ անուանեցաւ .
 իսկ յորժամ մարմնական քող 'ի
 մէնջ բարձցի , դէմ յանդիման տե-
 սանեմք զաստուածութիւնն որպէս
 և մարթի . զհրեշտակաց բնութիւն
 բովանդակ , զանծանօթան իբրեւ
 զանձինս մեր , արտաքնովքս իբրեւ
 զարտաքին դէմս , մտօք՝ զարտաքին
 և զներքին : Եւ զի դեռ եւս Պե-
 տրոսեանք մարմնաւորք էին , կա-
 թեաց 'ի նոսա նշոյլ իմանալի շնոր-
 հին 'ի յոգիսն . բաւանդակ ծա-
 նեան զՄովսէս և զԵղիա . իսկ ար-
 տաքին զգայութեամբք էր 'ի տեղ-
 ւոջ անդ՝ որ այլ ընդ այլոյ խօսե-
 ցան . և այլոյ մասամբ դարձեալ
 ողորմեցաւ նոցա Աստուած . այն է՝
 զի հաւաստեաւ ծանեան զՄովսէս
 և զԵղիա , և զի մի ինչ գէզ մնաս-
 ցէ 'ի միտս նոցա , 'ի բանից անտի
 նոցա եւս քաջ հաստատեցին զծա-
 նօթութիւնն : Նոքա յայտնի խօ-
 սէին ընդ տեառն , և սոքա զամէն

լիով լսէին 'ի նոցանէ , և զոր
լուանն՝ այլ ոչ իմացան . զի եթէ
մոռացեալ էին՝ և դրէին ոչ աւետա-
րանագիրքն :

Բայց խնդիր այս կայ առաջի .
Զի՞նչ արդեօք Մովսէս խօսէր ընդ
տեառն , և կամ զի՞նչ Եղիա երկրոր-
դէր առաջի նորա : Աւետարանիչն
պատմէ եթէ զելս նորա ասէին զոր
կատարելոց էր յԵրուսաղէմ . եւք
նորա մահ նորա է , և 'ի մահուանէ
իսկ նորա եղեն ամենայն բարու-
թիւնքն երկնաւորք : Եւ ո՞ւր ար-
գեւք գրեաց Մովսէս վասն մահու
Որգւոյն Աստուծոյ : Մի՛ այգպէս
հարցաներ ցիս թէ ո՞ւր արգեւք
գրեաց . ամենայն մարդարէք և
օրէնք վասն մարդանալոյ Բանին
Աստուծոյ պատմեցին մեզ , չարչա-
րելոյ և մեռանելոյ և յառնելոյ . 'ի
Նոնգն . Մարգարէ յարուսցէ
ձեզ Աստուած յեղբարց ձերոց ,
յօրէնսգրութիւն նորոց կտակարա-
նաց . մի իբրեւ զիսն ասելով նմա
լուիջիք , զիւր օրէնսն լուեցոյց ,
զտեառնն յառաջ հրամայեաց մա-

տուցանել, 'ի միրտութիւնն, 'ի
 ծովն, յամպն, 'ի սիւն հրոյն, 'ի
 խոցումն կողիցն, 'ի վտակաբուխ
 վէմն: Եթէ յինէն ոչ ընդունիս,
 յառաքելոց հարկաւ որ ընդունիս.
 Աէմն, ասէ, որ երթայր զհետ ժո-
 ղովորդեանն նա ինքն էր Քրիստոս.
 'ի փայտ խաչին, 'ի գաւազանն նը-
 շանագործ, 'ի մահ անարատին,
 հեղումն արեան գառանցն յԵգիպ-
 տոց, 'ի զօրութիւն մահուն՝ փրկու-
 թեամբ նոցին 'ի ծառայութենէ,
 զաւետիս յարութեանն, զայն սուրբ
 ոսկերքն Յովսեփու պատմէին նո-
 ցա . մեռեալք զկենդանիս ապրե-
 ցուցին. 'ի մահուանէ . զվերանալն
 նոցա՝ մեծն Դաւիթ գրեաց նոցա և
 ամենեցուն. համբարձաւ Աստուած
 օրհնութեամբ և տէր մեր ձայնիւ
 փողով: Ջայս ամենայն և Եղիա գի-
 տէր, քանզի մի հոգի էր որ խօսէր
 յամենեսեան, մի օրինակ գիտէին
 ամենեքեան. էր ոք որ սակաւ բա-
 նիւք զայս ասէր, և էր որ բազմա-
 գոյն առնէր զյանգիմանութիւնն,
 սակայն զօրութեամբ զսոյն երկրոր-

գենն : Զայս ամենայն խօսեին ընդ տեսուն Մովսէս և Եղիա , զի առաքեալքն վկայ լինիցին անսուա բանից նոցա , եթէ վաղու հասեալ էր գատավճիռն մահու 'ի վերայ նոցա , և մի ոք իշխեսցէ լինել ընդդէմ բանիցն նորա . և սրպէս երեւեցաւ յայանի յայնմ հետէ այլ ոչ ոք իշխեսաց երկրորդել զնորն բանս առաջի տեսուն :

Բայց գու իբրեւ լուիցես զկալն Մովսէսեանց և խօսել ընդ նմա , մի վարկարարազի անփոյթ առնիցես և մի սակաւ բանս իմանայցես , և մի ընդ վայր շատխօսութիւն համարեսցիս . քաջ զմտաւ ած և տես զպատուական արան . եթէ միտ գնես , զբոլոր երկրային արքունեօքս զանց առնէ տեղին . և կամ ոյր տուաջի կանն . և կամ որք կանն՝ եթէ ոչ զերկնից մեծութիւնն ունէին , ոչ կարէին առաջի տեսուն երկնից կալ և խօսել ընդ նմա . այլ սիրով իւրով ած զնոսա և ողորմութեամբ իւրով մերձեցոյց առ ինքն , և ներելով իւրով արար նոցա զուն

կընդրութիւնն . վասն որոյ կարա-
ցին լինել յերկարաբանք : Թուի
ինձ թէ յոյժ ողբային զազգա-
տոհմն , զի գութ ունէին 'ի վերայ
գաւառացն՝ վասն քաղցր արմա-
տոյն . թէպէտ և լեալ էր 'ի նոցանէ
յառաջ արդարք բազումք , յայնմ
ժամանակի չար տեսանէին զամենե-
սեան : Ճշմարտեցին եթէ եկն ե-
հաս ժամանակ , և մերձեցաւ օրն
յորում շիջանելոց էր նոցա ճրագն
առկայծեալ , և եղէգն ջախջախեալ
արմատաքի խլելոց էր . 'ի ծածուկ
ողբային զազգն 'ի միտս իւրեանց ,
տեսին եթէ ամենայն ինչ նոցա 'ի
հեթանոսս փոխելոց է , և նոքա
մնան լոկ իբրեւ մարմին առանց
չնչոյ : Տեսին և զբարերարութիւնն
Աստուծոյ , որ ոչ կամի ընդ կո-
րուստ և ոչ ընդ մի մարդոյ , հա-
մարձակեցան հարցանել ցտէր՝ որ
գիտէր զծածուկս սրտից նոցա , ե-
թէ գուցէ ինչ հնարս , ասեն , այլով
օրինակաւ քեզ չմեռանել , և աղ-
գին չկորնչել , և հեթանոսաց լինել
փրկութիւն : Իսկ տէր մեր ոչ տըրտ-
եալիւ . ՅԱՅԼԱԿԵՐԳ . 2

մեցոյց զսիրելի ծառայան իւր , այլ զհարցումն պատասխանւոյն 'ի կամս հօր իւր արար :

Գուցէ ասիցէք ջիս , Ուստի՞ իշխեցեր զանգիրսգ երկրորդել : Ես իսկ տեսի զտէր՝ զի լայր զԵրուսաղէմ և յոյժ լայր զազդն ընտրեալ : նոյնպէս մեծ էր , զի այսօր 'ի վերայ երեսաց իւրոց յազօթս անկաւ առ Աստուած . ոչ մարդ էր գուղնաքեայ , այլ բոլոր զօրութեամբ իւրով , յերկար տաժանութեամբ զողջոյն գիշերն , մինչեւ քրտունք սասաիկք հոսեցան 'ի նմանէ : Եւ 'ի կատարել աղօթիցն , զՄովսէսեանց հարցուածն երկրորդէր . Հայր , աւսէ , եթէ հնար է՝ անցցէ բաժակս այս յինէն . և անգէն վաղվաղակի զխնդիր իրացն 'ի կամս հօր իւրոյ ապաստան առնէր : Եւ դարձեալ եկաց յազօթս , և զնոյն բանս երկրորդեաց : Եւ մեզ այս կարեւոր է ուսանել քան զամենայն . որպէս նա ըստ կամս հօրն ոչ կամեցաւ ելանել , և մի գու ըստ նորա կաման ելանիցես : Ասան որոյ և Եղիայ-

եանք ոչ կարացին մեղադիր լինել տեսան . նոյնպէս և Պետրոսեանք որք ականատեսք եղեն , ոչ միայն մեղադրեալք , այլ և նոքա շնորհակալու ընդ ամենայն տիեզերս : Այս է յերկարաբանութիւն արանցն առ տէր , ոչ միայն շատ խօսելով ընդ նմա , այլ ամենեւին չգնալ 'ի նմանէ , նա և եթէ հնար ինչ գուցէ՝ մեռանել ընդ նմա . և եթէ Մովսէս ոչ մարթէր կրկին մեռանել , վասն Եղիայի՝ եթէ տէր կամեր՝ Գոյր հնար : Յորժամ առաջին հարցուած նոցա 'ի գլուխ ոչ չոգաւ , վասն երկրորդին յոյժ էին ցանկացեալք : Ո՞րք 'ի սիրելի զօրականացն մնացէ 'ի պատերազմէ , յորժամ թագաւորն ինքնին 'ի վերայ թշնամւոյն ելանիցէ . և եթէ երկրայինքն զայս առնեն , որք յերկբայս են յաղթիլ քան թէ յաղթել , քանի՞ն յօժարութեամբ երկնաւորին լինել նահատակակից . զի ոչ մահու կասկած առաջի կայ , այլ անմահ կենաց յաղթութիւն : Յայսմ պատերազմէ ոչ ումեք օրէն է զանպի .

անլ, ոչ արանց և ոչ կտնանց, ոչ
 արգարոց և ոչ մեղաւորաց, թէ
 հնար է՝ գուցէ և երկնաւորացն :
 Բայց սա աւտսիկ թէպէտ և Եղիայի
 կարի անձկալի՝ լինել նմա խաչա-
 կից, բայց արգել զնա տէր, զի մի
 ոք յարգարոց խաչեսցի ընդ նմա .
 քանզի ոչ իսկ էր եկեալ եթէ վասն
 արգարոց խաչեսցի, այլ վասն բար-
 ւոյ՝ որպէս և համարձակեցաւն իսկ
 մեռանել, զի իւրով մահուամբն
 զամենեցուն մահ խափանեսցէ : Ար-
 դեւ զԵղիա ՚ի մահուանէ, զի մի
 զտուեալ պատիւն հանցէ ՚ի նմանէ .
 և ոչ միայն զԵղիա արգելու լինել
 իւր մահակից, այլ և ոչ զմի ոք յար-
 գարոց՝ ոչ կամի եթէ ոք մեռցի ընդ
 նմա, այլ ՚ի մեղաւորաց, ոչ իւրով
 բանիւ, այլ զոր քահանայապետքն
 կամեսցին . յայնժամ թերեւս և անգ-
 երեւեսցի նորա բարերարութիւնն,
 զոր և յառաջագոյն իսկ ասացեալ
 է, եթէ վասն մեր ընդ անօրէնս
 համարեցաւ : Առ սէր իւր խնայեաց
 յԵղիայ, զի կեցցէ յանմահութեան
 պարգեւին, և լիցի քարոզ երկրորդ
 գալստեան նորա :

Գիտէ Աստուած զինչ գործէ , և զբարին ինքն առանձինն կատարէ . շատ իցէ քեզ եթէ 'ի նորա յոյսն գիտիցես վայելել , և յորժամ նա դուռն բացցէ քեզ . ապա եթէ կամիս՝ և դու կարես գործել իբրեւ զնա , որպէս ևղեւ առաքելովքն և լինի Քրիստոսիւ մինչեւ ցայսօր : Գիտեմ զի բազումք ցասուցեալ են ինձ . Տէր մեր , ասեն , զարքայութիւնն եցոյց 'ի լերին անգ , և դու եկեալ զմահու ճառս պատմես մեզ : Միտ դիր ճառիդ , և անտի հաւանիս . ելանել իսկ նոցա 'ի լեռանն՝ մահու պատճառք եղեն սկիզբն . և եկեալ Մովսէսեանց զնոյն երկրորդեցին առաջի տեառն , և մէք 'ի նոյն ճառ տեսաք զարքայութիւնն : Յոյժ սպիտակ էր պայծառութիւն ձորձոյն և անցանէր ըստ արեգակնային ճառագայթս այն . ըստ արժանաւոր տեղւոյն և հանդերձիցն վայելչութիւն պիտոյ էր . այլ կատարեալ այնիւ էր արքայութիւնն՝ ուր հայր և Որդի մարդկան յայտնին . զայն և անփոփոխ իսկ է իմա-

նալ, անանց կալ մնալ յաւիտենա-
 կան : Բայց 'ի սպիտակութիւն ձոր-
 ձոյն սակաւիկ մի ակնարկեցից' 'ի
 մահ անմահին : Ամենայն արարածք
 յանմխիթար սուգ նստէին . վասն
 զի անմահին Աստուծոյ անմահ
 պատկեր՝ մարգս է . ընդ մահուամբ
 անկեալ դնէր՝ յանլոյծ խաւարի , և
 սգածէին առ հասարակ արգարք և
 մեղաւորք , և ծանրալից հանգերձ
 սգոյ ունէին , որ է նմանութիւն
 խաւարի . և ոչ ոք կարէր յեղեւոցս
 ղծանրութիւն սգոյն բառնալ յաշ-
 խարհէ , բայց միայն այնիւ էր հնար՝
 որով եղեւն ամենայն : Արդ զար-
 գարեցաւ 'ի մահն իւր , ոչ երկրային
 պատուական հանգերձիւք , այլ
 բնական ինքնածագ լուսոյն իւրով ,
 զի հալածեացէ յաշխարհէ զիշխա-
 նութիւն խաւարի , և զթախծալից
 տրամութիւն մարդկան մխիթարեա-
 ցէ . և զներկուած հին տրամու-
 թեանն՝ իւրով անասական լուսոյն
 սպիտակացուսցէ : Եւ մարդիկ որ 'ի
 վերայ մահուան սիրելեաց իւրեանց
 տխրին և մթանան , և գրեթէ կեն-

դանոյն զմահ ճաշակեն , հայեսցին նոքա 'ի զուարթութիւն պայծառութեան մահու Որդւոյն Աստուծոյ , և բարձցի 'ի նոցանէ սուգն անյոյս տրտմութեան , և լցցին յուսով յարութեամբն , և մի եւս այլ երկիցեն 'ի մահուանէ , որ դողացոյց զարդարս և զմեղաւորս : Վասն այսորիկ խօսիմք 'ի տեղւոջ աստ ըզճառս մահու , զի տեսանեմք 'ի սմա զարքայութիւն երկնից , որ եկեալ հասեալ է զօրութեամբ իւրով մեծաւ համարձակութեամբ : Ոտն հարկանեմք 'ի վերայ մահու . վասն զի յուսով 'ի վերայ արքայութեան տեսաք զանձինս . հաճեալ եմք ընդ տեղի լերինս , ուր կրկին յայտնութիւնն եղեւ առ մեզ , մանաւանդ թէ երեքկին . մեռեալ գիտէաք զՄովսէս և կենդանի տեսաք . նա եբեր զաւետիս յարութեան ամենայն մարմնոյ : Կիսահաւատ ազգն Հրէից զհոգին Եղիայի յափշտակեալ խոստովանէին , և զմարմինն իբրեւ զանպիտան ինչ գոյացութիւն 'ի վայր ընկեցեալ . եկն երկուեցաւ

բովանգակ հոգևով և մարմնով, զի բարձրէ զխիզ՝ ՚ի մտաց նոցա, ելէ կամեսցին ընդունել: Կարծէաք եթէ ոչ անցանէ թագաւորութիւն մահու. տեսաք անգ ՚ի լերին զմահ մեռեալ և զկեանս թագաւորեալ:

Եթէ գուք կամիք՝ անդէն ՚ի ճառս լերինն գարձուք, քանզի և իջեալ իսկ չեմք ՚ի լեռնէ անտի. և մինչ անդն եմք՝ զանտիսն եւեթ խօսեսցուք. և զինչ անգ բանքն են՝ համակ զնովիմք եկեսցուք. և եթէ առ ՚ի պէտս այլոց բանից իջուք ՚ի լեռնէ անտի, դարձեալ ՚ի նոյն լեռան ելցուք. եթէ երկիցս և եթէ երիցս, սակայն զնոյն արասցուք մինչեւ կատարեսցի ճառս. շուրջ զլերամբն փակեսցուք: Բայց առ այժմ՝ ՚ի վեր անգ զտէր Պետրոս հարցանել պարտէ, եթէ Առ ի՞նչ սիրեցեր այդչափ զլեռանգ և այդր կամիս առնել քեզ բնակութիւն, քեզ և ընկերացդ. եթէ առնիցես՝ սակաւիկ մի պատեհագոյն է քեզ և տեառն և Մովսէսի: Եւ այդ ինձ կարի պատեհագոյն թուի. Յարեաւ, ասէ, ՚ի մե-

ուելոց , վասն այսր կամիմ թէ աստ
կայցեն : Յարուցեալ՝ որ տաղաւարի
կարօտանայ . այնմ եւս յարութեան
իսկ չէ արժան ասել , այլ երազ և
առ աչօք երեւումն : Ուրեմն չեւ
եւս տեղեկացեալ վասն յարուցե-
լոյն , սակաւ մի ճաշակ եցոյց քեզ
յարութիւնն , ընդ տեսանելն և
թմբեցար . եթէ այնպէս 1 փա-
ռօք էին նոքա քեզ՝ որ անփոփոխ ըն-
դունելոցն են , դու ապաքէն եւս
առաւել վտանգէիր : Բայց ոչ կա-
րեմ մեղադիր լինել քեզ , զի դեռ
եւս հրէախառն ես . ընթեռնուս
զգրեալսդ օրինացն , այլ իմանալ
չեւ եւս կարացեալ զարժանն :

Ի լերինն շքեղացան դէմքն Մով-
սէսի , և հարքն ձեր ոչ կարացին
հայել յերեսս նորա մերկ , և դու
զոգիսդ ընդ մարմնական վարագու-
րովդ ծածկեալ ունիս : Մովսէս
ծածկելով զդէմնն՝ մերձեցոյց զնո-
սա առ ինքն , և տէր զայն քող մեր-
կանայ՝ ի սրտից ձերոց . անդստին
իսկ ունի զմարդասիրութիւն առ
ազգդ ձեր . աստուածանուն մեծա-

րեաց զծառայս իւր և փառօք իւրովք զարդարեաց զնա , և ժողովուրդն առ ատելութեան իւրեանց փախչէին 'ի նմանէ . և նա նշանօք և արուեստիւք արծարծէր զնոսա , զի ընդելեալ մարդասիրութեամբ նորա մերկ՝ դիմօք կարացեն տեսանել զաստուածութիւնն 2 : Սոյն սա նա է , որ բազում իրօք կրթեաց զձեզ , զի այսօր արժանի լինիցիք տեսանել զճաճանչ լուսոյ աստուածութեն . բայց այսօր դու լաւագոյն ցուցար քան զնոսա . թէպէտ և զարհուրեցար , այլ ոչ 'ի փախուստ գարձար . այդպէս երեւեցաւ , եթէ սէր Աստուծոյ մեծապէս բնակեալ է 'ի քեզ՝ քան յառաջին ժողովուրդն :

Այլ և արդ շուրջ զքեւ հայեաց քաջ . ընդ ո՛ւմ շրջիս , առ ո՛ւմ նստիս , ո՛յր ես ուղեկից , և կամ ո՛յր խօրհրդակից : Ո՛չ դու ետուր զգեղեցիկ վկայութիւնն և դու խոստովանեցար զՔրիստոս որդի Աստուծոյ . ո՛վ քաջ . Աստուած խոստովանիս և 'ի տաղաւարս բնակեցուցանես . զայդ ոչ միայն Քրիստ

տոս չառնու քեզ յանձն , այլ և ոչ
ընկերակից քո Եղիա . զվերանալն
նորա տեսեր դու , և պատիւ մե-
ծութեանն երեւեցաւ քեզ . եթէ
զայն ճշմարիտ գիտացեր , զայս ոչ
արժանապէս խօսիս : Յի՛նչ նիւթոց
կազմեսցես զխուզսդ , ասա ինձ .
ասլաքէն 'ի փայտէ և 'ի խոտոյ . ո՛վ
մեծ յերկոտասանսդ , քաջայուշ
լեր . կառս ունի հրեղէնս , երի-
վարս բոցեղէնս , հուր և խոտ 'ի
միասին ոչ բնակեն . բայց եթէ զայն
եւս արտաքոյ թողուցու , ինքն 'ի
նոյն պատիւ է զարդարեալ . և ե-
թէ ոչ այնպէս էր , զիւրոգ հանդար-
տէր կայր բոցոյն առաջի : Քեզ
այսօր սակաւիկ մի սպիտակութիւն
երեւեցաւ , և դեռ աստանդես բա-
նիւք . ուր Եղիայն բնակեալ է , եւս
առաւել պայծառագոյն է , քան
որ քեզդ երեւեցաւ . և դու զայդ-
պիսի այր 'ի տաղաւարս հրաւիրես ,
և ո՛չ պատկառիս 'ի շքեզ պատուոյ
նորա : Դարձեալ և զտէրդ աշխար-
հաց 'ի կարօտութիւնն ածցես և 'ի
տեղւոջ կարծես , զդա գիտեա աե-

զի ամենեցուն և զամենեցուն կարօ-
 առութիւնն բառնալ: Ոչ 'ի տեղւոջէ
 այտի երեւեցաւ Գա պատուական ,
 այլ տեղիք գովաւ շքեղացաւ : Սա-
 կաւիկ մի սպիտակ ձորձով զարհու-
 րեցար , յորժամ բուռն հայրենի
 փառօքն տեսցես , յայնժամ և ոչ
 զմի տեղի յերկրաւոր պատուակա-
 նաց աստի դմա համարեսցիս ար-
 ժանի . այլ բարբառն որ եկն 'ի վե-
 րուստ՝ զայն գիտեա դմա տեղի և
 փառս և վայելութիւնն անպատում .
 և դու յայն հայեաց , զհետ այնր
 ձայնի լեր կաթոգին : Այժմ աչք
 մարմնոյդ լցան լուսով , ապա բոլո-
 րովին իսկ դու լուսալի լինիս . զի և
 դու իսկ քեզ հազիւ կարիցես հա-
 սու լինել : Այլ տէրդ արքայու-
 թեան՝ չէ կարօտ տաղաւարաց .
 ամպովն արժան էր քեզ ուսանել ,
 որ եհար ժողովրդեանն տաղաւարս
 յանապատի անբաւ բազմութեանն .
 ամպն էր բաւական հովանի , և ըզ-
 բոլոր գիշերն լոյս հրոյ առաջնոր-
 դէր . և եթէ 'ի չարսն այնպէս գը-
 թայր , ո՞րչափ եւս առաւել 'ի ձեզ



տառապեալս : Զամենայն ինչ թողէք և զհետ գորա շրջիք . զինչ ասէ ձեզ՝ լուարուք , և զամենայն բարի կամս ձեր՝ դա կատարէ : Անդէն իսկ ՚ի տեղւոջդ փոքր մի աղէխարչեցայք ՚ի տապոյ փառաց գորա , արագ արագ թանձրացոյց զամսն ՚ի վերայ ձեր . եթէ սակաւ մի յամեալ էր՝ և դուք և տեղիդ բոցակէզ լինէիք . նա և ՚ի բնական ջերմութենէս աստի են տեղիք , ուր ամարանի հրդեհք բորբոքին . և եթէ մասնաւոր լոյս այդպիսի . սաստիկ տապով հարկանել՝ ինչ կարծես զինքնածագն լոյս , եթէ թոյլ տայր որ ունէր զծով և զցամաք՝ առ հասարակ կիզոյր : Յայնմ լուսոյ ճառանչ սակաւ մի երեւեցաւ Պաւղոսի , թէպէտ և ոչ այրեաց զմարմին նորա , զլոյս աչաց նորա եկէզ , թէպէտ և այլ շնորհեցաւ նմա՝ զառաջինն կորոյս : Ուղորմութեամբ իւրով ծածկեալ ունի ինքն զինքն , գրէ թէ ոչ բաւեն տեսանել զատուածութիւն նորա : Տեսեր , ուր խոնարհութեամբ խօսի Ատուած

ընդ արարածս՝ զմարգասիրութիւնն
իւր յայտնէ . եթէ որպէս էրն՝ և
յայտնէր զինքն , եղեալքս յապակա-
նութիւն գաւնային առաջի նորա :

Արդ մի տէր Պետրոս բարիոք
թուեսցի առնել դմա տաղաւարս ,
զի չէ ժամանակդ այգալիսի գործոյ ,
և ոչ գու ունիս կազմած շինողաց .
չես տեղեակ հիւանութեան , և ոչ
գիտես յորմ կարգել քարինս :
Արդապետ անուանեցաւ և զիւր
արուեստն ոչ թաքոյց ՚ի քէն . բայց
եթէ դու մոռացկոտ ինչ իցես , ես
ոչ գիտեմ . հանապազ քո առաջի
գործեաց և գործէ , և յոյժ կամի
զի ուսջիք և բանիւք և գործովք ,
որպէս ինքն առանց մարմնաւոր աշ-
խատութեանց վարէ զարուեստն ,
ի դոյն նահատակութիւն և զձեզ
կրթէ : Մի ընդ քուն խօսիր և մի
զճշմարտութիւնն երազակոծ ե-
ղեալ՝ այլ ընդ այլոյ պատմես .
յերկնաւոր մանրագորս հոտոտե-
ցար , զհետ հետոց գորա ուսիր վե-
րաբերիլ . ՚ի ստուերաշուք տարերցս
եւանել փութացիր , քան նստել

ընդ սովաւ . յանապական լուսոյն
 'ի ծմակային տեղիս մի աղաչեր
 բնակել զայդպիսի չքնաղ լոյս . Թէ
 և ջրայինքն տեսանէին՝ 'ի ցամաք
 դիմէին , և եթէ 'ի սանդարամետա-
 կանսն ծագէր՝ 'ի վեր կորզեալ ա-
 ծէր զամենեսեան . եթէ գոյր իշ-
 խանութիւն՝ հրեշտակաց թողեալ
 զայն երկնից լոյսն՝ առ այդ լոյսդ
 իջանէին : Այդ լոյս յերկնից յեր-
 կիր երեւի , զերկրաւորս յերկինս
 տանի հանէ . և յորժամ յերկրէ 'ի
 վեր ծագէ՝ զվերինսն 'ի վայր խո-
 նարհեցուցանէ . այդ լուսով ետես
 Յակոբ զտէր լուսեղէն սանդղոցն .
 'ի լուսեղէն տեղիս բնակեալ էր Ե-
 ղիա , զայն լոյս թողեալ՝ առ այս
 լոյս խոնարհեցաւ և եկն . յայդ լոյս
 աւանդեալ էր Մովսէս , ազգեցաւ
 նմա 'ի Նաբաւ լերինն , փութացաւ
 եկն առ անձկալիդ : Տեսանես ,
 զիարդ փարին երկոքեան զլուսովն .
 չյադին բազում բանիւն զոր խօսինն
 ընդ նմա . 'ի ծագել այդ լուսոյ՝ ա-
 րեգակն խաւարեցաւ , որպէս աս-
 տեղք յարեգականէ . արեգակն 'ի

գմանէ չերեւեցաւ : Եւ քեզ յոյժ
 երանի տամ, զայդ տեսեր և յայն
 հրաւիրեցար . ամենայն աշակերտ
 զվարդապետին արուեստն փուծայ
 ուսանել : Ո՞չ 'ի քոց տաղաւարաց
 անտի եհան դա զքեզ . խղիւճնս իմն
 արարեալ ձեր 'ի ծովեզերին , վասն
 այդր լուսոյ՝ ետ թողուլ ձեզ զայն .
 զի յայդ թեւակոխեսալիք , ընդ այդ
 ընդելիք , զայտի եկեսալիք , 'ի դոյն
 խոկասալիք , գմին արժանի լիջիք ըզ-
 գենուլ : Չիք տեսեալ զազգ թըռչ-
 նոցդ . ձագուցն յորժամ թեւքն
 թաւացեալ հաստանան՝ ոչ ընթացս
 ունին 'ի վերայ բունոցն , այլ 'ի
 հայրենի արուեստ վերաբերին . զոր
 տեսանենն՝ զմտաւ ածեն զայն .
 մինչդեռ մատազարոյս են թեւքն՝
 անդէն 'ի տեղւոջն ստէպ ստէպ
 շարժին . յորժամ բոլոր վարազա-
 թեւք աճեցեալ մեծանան՝ տակա-
 ւին 'ի վեր վազեն ոստախաղաց լի-
 նելով և աներկեւղք եղեալք յան-
 կանելոյ , ապա բարձրացեալ 'ի վե-
 րոյ օդոց ճախրեն զլերամբք , թը-
 ուուցեալ առ ամպովք քերեն , ան-

կասկածք անցանեն գնալ յերկրա-
սող մնասակարացս :

Օրինակաւ իմն տէր զձեզ ուսու-
ցանէ . կրթեաց 'ի նշանս և յա-
րուեստս մեծամեծս , զի ամենայնիւ
զձեզ յինքն սպասաւորեալ միա-
ցուսցէ . զի և դուք զայլս 'ի մա-
հուանէ 'ի կեանս որսասլիք . արար
զձեզ կիրթս և հմուտս և տեղեկա-
գոյնս . զի իցէք պատճառք կենաց
ամենայն աշխարհի : Բայց դու որ
ոչ էիր 'ի լերին անդ , մի իբրեւ զա-
նուն լուսոյն լսես՝ առ այսմ լոյս
հարցեն , կացցեն միտք քո . զայս
լոյս հանապազ տեսանեմք , ոչ յի-
մարիմք և ոչ թմբրիմք , և ոչ ամե-
նեւին երկեւղ ինչ անկանի 'ի սիրտս
մեր . այլ որ զցայդն եմք՝ նոյն եմք
և զցերեկն . վասն զի նիւթեղէն ա-
րարած է , և մեզ 'ի սպասաւորու-
թիւն առեալ . պղտոր , մթին , փո-
շխառն , մրրկեալ , խթացեալ տե-
սեր , և ոչ զերկինսն վերինս կարէ
ցուցանել . և այնչափ օտար է յայ-
նրմ լուսոյ՝ որպէս և նկարեալն 'ի
կենդանւոյ : Որպէս և ինքն աս-

ԵՂԻՇ . ՅԱՅԼԱԿԵՐԳ . 3

առւածութիւնն բազում մասամբք
 երեւեցաւ մարգարէիցն , և մի ոք 'ի
 նոցանէ զլլատուած ոչ կարաց տե-
 սանել . այլ նմանութեամբքն որով
 տեսին՝ բաւական համարեցան .
 հանգեան կամօք իւրեանց և կատա-
 րեցան բանք նոցա գործովք . որ-
 պէս և այսօր 'ի լերինն երեւեցաւ ,
 այն է զօր հանապազ տեսանէին .
 այլ ոչ այսօր նոյնպէս տեսին , և ոչ
 այլ ընդ այլոյ զայլ ոք Քրիստոս
 տեսին : Որ էրն զնոյն տեսին , ոչ
 նոյնպէս գձուձ . փոքր մի վերագոյն
 քան զառաջինն տեսին և թմբրե-
 ցան 'ի նշանաց անտի . և եթէ աւե-
 լի քան զձեզ կարծէիք՝ այլ ոչ ինչ
 'ի վեր հայէին միտք ձեր : Աստու-
 ծոյ նշանագործութիւն բոլոր արա-
 րածքս են . զաշխարհս ոչ 'ի նշանս
 ինչ արարեալ է ումեք , զի և գոյր
 իսկ ոք ոչ յառաջ քան զաշխարհ .
 և նա բնութեամբ ունի զբարերա-
 րութիւնն . զոր ինչ կամի՝ կարէ առ-
 նել , ոչ 'ի պէտս իւրոյ անկարօտ
 բնութեանն , այլ 'ի յեզեւոցս 'ի
 լրումն առանց պակասութեան . և

զմարդ սիրէ քան զբոլոր արա-
 րածս . և կամի 'ի ձեռն նշանացն՝ զի
 զանեղ բնութիւնն ծանիցեն , և 'ի
 ճանաչելոյ անտի լիցի սիրոյ բարե-
 կամութիւն . և գարձեալ եւս վե-
 րագոյնս ձգիցէ , որպէս թէ իւր իսկ
 առնիցէ դահակից : Զոր և այսօր
 առ ձեզ նորին սիրոյ եցոյց զօրու-
 թիւն , ոչ երկրաւոր նշանօք , այլ
 երկնից մասնաւորութեամբ . ցայս-
 օր զմարմնականսն տեսանէիք իբրեւ
 զմարդ , վարդապետ կարդայիք ,
 ըստ մարդկութեան եւեթ իմա-
 նայիք զզարմացումնդ . վասն այսո-
 րիկ փարատեաց 'ի նոցանէ զմար-
 մնաւոր տգիտութիւնն , զի երկնա-
 ւոր յայտնութեամբն կրթեացէ ըզ-
 նոսա , և մի՛ համակ զմարմնակա-
 նօքն եկեսցեն . որպէս և ասէ գիրն ,
 եթէ Յայլակերպս եղեւ առաջի
 նոցա : Յայլակերպսն ոչ այլ ինչ է
 իմանալ , այլ աստուածակերպ երե-
 ւեցաւ առաջի նոցա , զի և զնոսա
 յայն կերպարանս փոխեաց 'ի ժա-
 մանակի իւրում . կրթեցան աչքնո-
 ցա հայել 'ի մարմնաւորութիւնն

տեառն . ոչ կարացին խորհուրդք նոցա համբառնալ յերկինս . ընդհարան աչք նոցա 'ի լոյս փառաց նորա , կարացին զարժանի էութիւն նորա իմանալ : Ի բազում բարձր տեղիս ելեալ էին նոքա ընդ տեառն , այլ ոչ մտօք . այնպիսի տեսիլ եցոյց նոցա այն օր զիմանալի լոյսն , զի կրթեսցէ զնոսա յեւս առաւելութիւն : Ըստ մարմնոյ 'ի լեառն ելին , մտօք վերացոյց յամենայն աշխարհական ցանկութեանցս . բարձր է լեառն քան զքաղաքս . զնոսա քան զբնաւ աշխարհս բարձրացոյց : Երբեմն ելին ընդ տեառն 'ի Գալիլեայ 'ի լեառնն՝ ուր զերանութիւնսն աւետարանեաց նոցա . բանս երկնաւորս լուան , այլ միտք նոցա ոչ ինչ բարձաւ 'ի յերկրաւորացս . իսկ աստ բանիւք ինչ ոչ խօսեցաւ ընդ նոսա . լուսով երկնացոյց զլեառնն , և լութեամբ երկնաւորս արար զնոսա :

Է իսկ 'ի բնութեանս մերում , յորժամ չըջիմք 'ի բազմամբոխ քաւաքի , զքաղաքական կարգսն սի-

րեմք ուսանել . յաճախագոյն պըշ-
 նումք ընդ փառս երկրաւորս , և խո-
 նարհին միտք մեր յիրս 3 երկրա-
 ւորս ապականացուս , և եթէ ոչ մե-
 ծաւ պատրաստութեամբ զգոյշ
 կայցես անձին քում՝ հազիւ կա-
 րասցես ապրել ՚ի պատիր զքօսա-
 նաց աշխարհիս : Ասան որոյ և Մով-
 սէս հանեալ զժողովուրդն յԵգիպ-
 տոսէ , շրջան առ յանապատի անդ-
 ամս քառասուն , և ապա կարաց լի-
 նել նոցա օրէնսդիր . իսկ իբրեւ
 բնակեցան ՚ի քաղաքս բազմամար-
 դիս , և զեգեալ օրէնսն ոչ կարացին
 պահել . և է ճշմարիտ , որ ընդ եր-
 կիրս պշնու՝ զերկինս ոչ կարէ տե-
 սանել : Ապա և տէր մեր իբրեւ յԵ-
 գիպտոսէ եհան զաշակերտան ՚ի
 լեառն անդր և ուսոյց նոցա զանգիր
 օրէնս երկնից . քանզի և մեր տեղին
 առաջին անգիր էր : Գիր զմարմնա-
 կանացն խօսի , անգրութիւն զան-
 մարմին էութիւնն ցուցանէ : Գիր՝
 զմահն Մովսէսի պատմէ , իսկ ան-
 գրութիւն՝ զյայտնութիւն տեառն
 առ աշակերտան : Գիրն ինքն անցաւ

կան է , և զանցաւոր աշխարհս արկանէ ընդ պատմութեամբ : Անգիր ըն 4 յինքեան գրէ զանցաւորս , զի անանցս արասցէ : Գիրն զվերանալն Եղիայի նիւթական պատուականօքս ասէ . անգրութիւն զերեւումն տեառն և զԵղիայեանց . ոչ իրրեւ այլք յայլում նստեալք և եկեալք , այլ ինքն ինքեամբ երեւեցաւ 'ի վերոյ քան զերկինս . ոչ այրեցող բնութիւն՝ մարմնականացս աս արկանելով , այլ լոյս փափուկ և արարող , որպէս և ժառանգաւորաց արքայութեան , յանմարմնականաց տեղիսն զգենուլ : Այնպիսի տէր երեւեալ և ըստ իւրում էական բնութեանն շնորհեաց և ծառայիցն զնոյն փառաւորութիւն . զի եթէ ոչ այնպէս էին , և ոչ մերձենալ կարէին 'ի հուրն ամենակէզ : Եւ Պետրոսեանք որք տեսող են աստուածային փառացն , և նոքա 'ի վերկորզեցին 'ի ծանր մարմնականացս , հասանելով մինչեւ յիմանալի հրեշտակաց բնակութիւնս . անցեալ կային գեր 'ի վերոյ մահուամբ , որ

ակէս և երեքն՝ սոյնակէս և երիւքն .
 ոչ միայն չերկնչել 'ի մահուանէ ,
 այլև 'ի բազում տեղիս հալածական
 առնել զմահ 'ի մարդկանէ . քան-
 զի յոյժ մեծացաւ աղքատութիւնն
 նոցա : Ելին իբրեւ զերկչոտս գտա-
 նել 'ի վերոյ քան զերկեւղ . ելին
 իբրեւ ընդ որդւոյ մարդոյ , զնոյն
 տեսին անդ Որդի Աստուծոյ . ելին
 տգիտագոյնք , ուսան անդ զկատա-
 րեալ գիտութիւն . ելին ընդ այնմ
 զոր գիտէին ծնեալ 'ի կուսէ . իմա-
 ցան անդ զնոյն ծնեալ 'ի Հօրէ յա-
 ռաջ քան զաշխարհս . ելին ընդ
 այնմ՝ որ մկրտեալն էր 'ի Յովհան-
 նէ , տեսին անդ զնոյն՝ որ բնա-
 կեալն էր 'ի Ճառագայթս անմա-
 տոյց լուսոյ փառաց իւրոց . ելին
 ընդ այնմ՝ որ հետիոտս վաստակէր
 գնալով , զնոյն իմացան անդ որ նըս-
 տի 'ի կառս քերովբէականս . ելին
 ընդ այնմ՝ որում Հրէայքն սպառ-
 նային զմահն , զնոյն գիտացին տէր
 մահու և կենաց . ելին ընդ այնմ՝
 զոր ազաչէինն մի մատնել զինքն 'ի
 մահ . իմացան եթէ ոչ սա երթայ

'ի մեռեալս' Աբրահամեանք ոչ կսրեն գալ առ Մովսէսեանս . և զոր արգելուինն 'ի մահուանէ , յառաջ քան զժամանակն փութային տեսանել զմահ նորա : Արքայութեան պատճառանօք եհան զնոսա 'ի լեառն անգր . իմաստնացոց եթէ առանց մահու Միածնին ոչ ոք կարէ ժառանգել զարքայութիւնն :

Եւ իբրեւ երկոքեան հատածքս այս ունին յինքեանս զերկնաւորս և զերկրաւոր բարութիւնս , առ ինչ արգեւք պատուիրէր տէր մեր աշակերտացն և ասէր , ամենեւին չասել ումեք զմեծ յայտնութիւնն որ երեւեցաւ նոցա : Այս սովորութիւն է վարդապետութեանն Քրիստոսի . յորժամ զմարդասիրութիւնն ցուցանէր բժշկելով առ ախտաժետս նոցա բազմաց 'ի նոցանէն զնոյն պատուիրէր , Մի՛ ումեք , ասէ , ասիցէք վայրապար կամ 'ի գեւղս կամ 'ի քաղաքս . զի և գուզնոյն ուսանիցիս չառնել աշխարհագոյժ զողորմութիւնս քո . ապա եթէ պիտոյ եւս է ցուցանել , փո-

իսանակ բանից գործքն քարոզես-
 ցեն : Աստուած զբոլոր աշխարհս
 արար և ետ մեզ , և երախտիս ինչ
 ոչ համարեցաւ մեզ , բայց միայն
 ճանաչել զնա և զհետ երթալ կա-
 մաց նորա : Պատուիրեաց աշակեր-
 տացն լինել աստուածանման . քան-
 զի ժառանգ իւր հաստատեաց զնո-
 սա և նոքօք զամենայն աշխարհ .
 յորժամ Աստուծով առնիցեն զա-
 մենայն մեծամեծս վարդապետին
 իւրեանց , ծածկագիտին միայն ա-
 ւանգեսցեն զխորհուրդսն : Դար-
 ձեալ և յոյժ խնայեաց ՚ի նոսա . մի-
 թէ ըստ մարմնոյ ինչ պարծեսցին
 վասն մեծամեծ սքանչելեացն՝ զոր
 և գործեցին և տեսին անդ . զի ընդ-
 մէջ թշնամեաց չըջէին և ոչ բարե-
 կամաց , և աւելի առաջի կեղծա-
 ւոր մեկնչաց , որ իբրեւ զճանճս կե-
 ղասէրք էին , ուր գտցեն թարախս՝
 առաւել եւս զայրացուցանեն ըզ-
 վէրն . չարագոյն եւս քան զայս լի-
 նէին բանք նենգաւոր մարդոց . որ-
 պէս և եղեն իսկ նոքա պատճառք
 մահու ժողովրդեանն , ոչ միայն

հողածին մարմնոյ, այլ և անմահ
ոգւոյ սպանողք :

Պատուիրեաց նոր նորոգելոցն՝
որք արբին զճաշակս նոր գինւոյն ,
մի արկցեն 'ի տիկան զզօրութիւն
գինւոյն 'ի հինսն , զի ոչ հանգար-
անն ընդունել զոյժ նորա . արգել
զնոսա 'ի մեծ մլնասէն . քանզի գի-
տէր եթէ տիկքն պատառին և գի-
նին հեղու 'ի կորուստնոցա , որպէս
առ Վայիափայիւն իսկ երեւեցաւ .
զի յորժամ տեսանիցէք զորդի մար-
դոյ զի նստի ընդ աջմէ զօրութեանն
Ասաուծոյ , իբրեւ զտիկ հին ցելաւ
'ի պատառել պատմուճանին իւրոյ .
բոլոր ինքն հեղաւ անկաւ յաս-
տուածային աստիճանէն . և եթէ
'ի տեառն բանից անտի այնպէս
վարկան անկան գանալիք , զինչ
համարիցիս գու՝ եթէ յաշակեր-
տաց անտի լուեալ էր վասն երկնա-
ւոր սքանչելեացն . ոչ ահա իբրեւ
զհուրբորոքէին ընդգէմնոցա , այ-
րէին զանձինս և զնոսա առ հասա-
րակ : Քանզի յորժամ լսէին 'ի նո-
ցանէ՝ անգէն հարցանէին ցնոսա ,

զինչ էր առաւելու թիւն վերին տես-
 լեան 5 : Եւ եթէ վասն Մովսէսի և
 Եղիայի պատմէին նոցա՝ սուտ հա-
 մարէին , զի ոչ կարէին յայտ ուրեք
 ցուցանել . թէ ասէին՝ եկին երեւե-
 ցան և գնացին , զայն ոչ արդար հա-
 մարէին , քանզի ոչ ունէին զհաւա-
 տոցն գիտութիւն . յայնժամ և զոր
 աչօքն իսկ տեսեալ էր 'ի տեառնէ՝
 ճհաւատային : Դարձեալ թէ և
 վասն սպիտակ ձորձոցն ինչ ասէին ,
 կրկին կորուստ կորստականացն իսկ
 հասանէր , կամ լսէին իսկ ոչ զբանս
 նոցա , կամ 'ի մէջ բերէին զսպի-
 տակ ձորձս նոցա . քանզի երկրա-
 պիշք միայն էին և անհաւատ լսե-
 լիք , զիմանալի յայտնութիւնն ոչ
 կարէին տեսանել . և նոքա 'ի լերին
 անգ մարմնաւոր ինչ յայտնութիւն
 ոչ տեսին , այլ երկնաւոր զօրու-
 թիւն իմանալով , զայն՝ որոյ 'ի յայտ-
 նութիւնն նա միայն գիտէ , և ում
 կամի ինքն յայտնէ ըստ մասանց , և
 մտացն միայն ծոց բաւէ ժողովելով ,
 այլ ոչ բանիւ պատմել և սփռել 'ի
 լսելիս ուրուք . զի որ բանիւ գծա-

գրի՝ ընդ մարմնաձեւութեամբ անկանի երեւոյթն նորա . իսկ երկնաւոր վիառքն յայսմանէ վերագոյն են , և 'ի մարդկանէ և 'ի հրեշտակաց : Լուր Պաւղոսի առաքելոյ , որ ոչ միայն 'ի լեառն բարձրացաւ , այլ և յերկինս երրորդ և 'ի դրախտըն , և զպատրաստութիւն սրբոցն ետես , և զբարբառ պարգեւատուին լուաւ , այլ դէմ յանգիման ոչ կարաց հանգիպել . և բարբառ որ եկն նմա 'ի վերուստ ըստ մասանց՝ զգորութիւն բանիցն ոչ ումիք կարաց երկրորդել : Նոյնպէս և վասն երկնաւոր պարգեւացն՝ զի պատրաստեալ պահին՝ զայն ասաց . այլ 'ի պատուական երկրաւորաց աստի նմանել ումիք ոչ կարաց , իբրեւ է ճշմարիտ հանդերձեալ . և միք յայն եմք յուսացեալք՝ զոր Պաւղոսն ետես և պատմել ոչ կարաց . հաւատացեալք 'ի Քրիստոս լիով իմանան և զիմացեալն ասանեն . և յուսով այնպէս ակն ունիմք՝ որպէս և երանելին Պաւղոս :

Արդ վասն այսր ամենայնի զոր

առաքեալքն՝ ի լերին անդ տեսին
 Հոգւով սրբով, չհրամայեաց պատ-
 մել ՚ի լսելիս թերահաւատ ժողո-
 վըրդեանն . մի՛ զի կարէին իսկ ոչ
 նոքա պատմողք լինել . միւս եւս՝
 որոց պատմէինն՝ նոքա ոչ էին ար-
 ժանի լսել : Որպէս և ինքն տէր յա-
 ռաջագոյն ուսոյց զառաքեալն .
 Մի տայք, ասէ, զսրբութիւն շանց,
 և մի արկանէք զմարգարիտս ձեր
 առաջի խողաց . շան՝ սուրբ և պիզծ-
 կերակուր ընդ մի համարեալ են . և
 խողի քան զպատուական մարգա-
 րիտ ընդ պարանոցի՝ խոհերական
 տիզմ, յոր թաւալի՝ լաւ թուի .
 զայս տեսանել՝ չար պարգեւաց
 տուողին թուի, և եւս չարագոյն
 արտաքին տեսողաց : Ասն որոյ և
 տէր մեր զլուսաւոր խորհուրդն՝
 լուսոյ մանկանցն յայանեաց, զի ե-
 ղիցին վկայք ճշմարտութեանն լու-
 սոյն որ երեւեցաւ նոցա ՚ի լերին
 անդ . և նովին լուսով լուացեալք
 կայցեն մնասցեն իբրեւ զանստուեր
 ճառագայթս . և նոքին եղիցին քա-
 րոզք լուսաւորութեան նորա, որք

եղեն իսկ և կատարեցան . և ամենայն արարածք որք նստէին 'ի խաւարի և 'ի սառուերս մահու՝ յայն լոյսն յանանց դիմեցին , և նովին լուսովն լուսաւորեցան և լուսաւորեցին մինչեւ յերկրորդ յայտնութիւն նորին լուսոյ . և նոյն տէր գալոց է լուսաւոր ամպովք յերկնից ամենայն լուսաւոր զօրօք երկնաւորօք . և 'ի նոյն լոյս լուսաւորին մեռեալք , և կենդանիք ամենայն արժանաւորք՝ յանփոփոխ և յանվախ ճան յաւիտեանս :

Յոյժ կասկած եղեւ մտաց իմոց իբրեւ մերձ եղէ 'ի կատարած ճառիս . ապա յիշեցի եթէ իրք անխնդիրք մնացին 'ի միջի սորա . քանզի փոքր 'ի շատէ տեղեկագոյն եմ խուզող մտաց՝ որ անմեղութեամբ քննեն զզօրութիւն բանին 'ի շահն անձանց և 'ի փառս սուրբ եկեղեցւոյ : Տեսանեմք իսկ աստէն և 'ի մերում աշխարհիս , բազումք վարեցեալք առաքինութեամբ անսխալ հաւատովք ըստ առաքելական կանոնին , յորոց ցնծացեալ բերկրի

սուրբ եկեղեցի հեթանոսաց : Ջայս հաւատ յանձին բերելով դեգերէին յուսումնասիրութեան ուխտաւոր մանկունք Հայոց մեծաց . զանձինս պարապեցուցեալ 'ի վաճառաշահ օգտից , ոչ ինչ ընթանան զհետ ընչաւէտ մեծութեան . այլ գործ հանապազորդ այնպիսեացն՝ պահք և աղօթք , զանձինս պահել յամենայն ոգէսպան վնասուց : Այլ հարցք և խնդիրք վասն ծածկեալ բանին զոր ընթեռնուն 'ի սուրբ կտակարանս , գիտեմ զի հարցանեն յայսմ ճառի ցմիմեանս և ցիս . Յարեաւ , ասեն , Մովսէս 'ի մեռելոց մարմնով և եկն 'ի Նաբաւլեառն առ տէրն մեր . Եղիայի ահա չէր ինչ խափան , որպէս վերացաւ երագ՝ ահա երագագոյն եւս գայր . Մովսէսի ընդ այն ինչ ոչ զարմանամք եթէ ընդ Եղիայի արագութեամբ գտաւ . այլ եթէ մարմնով յարեաւ և կամ եթէ հոգւով կերպարանեցաւ առաջի նոցա : Եթէ մարմնով յարեաւ՝ ճշմարիտ վիշտ եղեւ նմա , այն որ աղաչէր զԱս-

տուած միանգամ ջմեռանել՝ կրկին արդեւք զմահ ճաշակեաց . մանաւանդ զի զԵղիա ետես յանմահութեան , և զտէր հայրենի փառօքն յարքայութեան . և ինքն անդ եւս 'ի հողոյ եկեալ և անդէն արագ արագ գառնայր . կարի գժուարագոյն է տեղիդ ասեն :

Ինձ ոչ ծանրագոյն թուի հարցուածք . է ինչ որ 'ի գրոց ունիմ առնել անգրէն պատասխանի , և է ինչ որ յանգիր էութենէն՝ հայելով յաստուածային զօրութիւն . և ընդդէմք իսկ ոչ են միմեանց . քան զի գիրն 'ի լսելիս ազգէ զաստուածային պատուիրանս , իսկ անգրութիւնն՝ յաներեւոյթ մտացն տախտակս . և են երկողքեան աստուածատուր շնորհք , զոր աչք տեսանեն , չթուլք ընթեռնուն , ականջք լսեն . առանց գրոց միտք բերեն զմեկնութիւն : Արդ քաջ մտառուացն՝ մեծ է որովայն և անձանձրոյթ է ծովն , և անծանրանալի է բազմութիւն բեռինն . որչափ և անկանի 'ի ներքս , ոչ յագեալ շատա-

նայ բազմութեամբն . ազաչելով
 զԱստուած՝ ընկալեալ զերկակն և
 երրեկին կարիցէ հասու լինել . որ-
 պէս և է տեսանել, որք առանց
 գրոյ խորամուխ եղեն 'ի սէր Որդ-
 ւոյն Աստուծոյ՝ ճշմարտութեամբ
 հասու եղեն գրելոցն . և ոչ ինչ
 ծածկեցաւ 'ի նոցանէ յանգիր օրի-
 նացն Աստուծոյ . որպէս և ինքն իտկ
 առաքեալ ասէ . Չի այն զոր կամք
 յազօթս՝ որպէս արժան իցէ ոչ
 գիտեմք, այլ ինքն հոգին հասանէ
 'ի Թիկունս՝ 'ի հեծութիւնս ան-
 մուռնչս բարեխօսէ առ Աստուած :
 Ամենայն սուրբք առանց բանի պատ-
 մութեան խօսին ընդ Աստուծոյ, և
 առանց ձայնի արձաղելայ 'ի վե-
 րուստ՝ լսեն կամաց նորա . և զոր
 ասենն և զոր լսենն՝ ընդ գրով ար-
 կանել ոչ կարեն . և առաքինի գոր-
 ծովք իւրեանց յայտնի առնեն զան-
 գիր օրէնսն Աստուծոյ : Եւ յոր-
 ժամ զայսպիսի զօրութիւն յոգիս
 մեր հետազօտեմք, կարեմք զԺա-
 ծուկս բանին Աստուծոյ ծածկա-
 պէս իմանալ, և զտուչութիւն պար-
 ԵՂԻՇ . ՅԱՅԼԱԿԵՐԳ . 4

գեւին որ շնորհեաց մեզ՝ արտարե-
րեմք բարբառով . զի և յայլոց լսե-
լիս ազգիցէ հնչումն երկնաւոր :

Յարոյց Եղբա զմեռեալ և երկուս
Եղբշա , և կրկնամահ ոք թչ ասէ նո-
ցա . այլ մի կեանք և մի մահ . և տէր
մեր յարոյց զմեռեալս , նոյն ասի և
նոցա . այսքանք էին և Մովսէսի .
քանզի յառաջին մահուան իւրում
ոչ հիւանդացաւ . ինքն տէրն կո-
չեաց զնա 'ի լեառն , և ինքն տէրն
որպէս և զտէր առանց չարչարա-
նաց աւանդեաց զնա գերեզմանին :
Այսմ և մահ իսկ ոչ է արժան
ասել՝ այլ և փոփոխումն . Դաւիթ
և զայս քուն իսկ անուանեաց . Ես
ննջեցի և 'ի քուն եղէ , զարթեայ
և տէր ընդունելի մեր է : Դու իսկ
որ հարցանեսսք՝ ոչ հանապազօր 'ի
քուն մտանես , ընդ առաւօտն յա-
րուցեալ կանգնիս . ոչ ինչ տրտ-
միս յազագս յառնելոյն . զի գի-
տես եթէ անդէն հասանէ ընդկող-
մանել : Ապա թէ ասիցես թէ այս
գիւրագոյն է և այն գժուարագոյն ,
մի ասեր , սուտ կարծես , հազար

տնգամ մահն Մովսէսի դիւրա-
գոյն է, քան զքունդ քո : Եթէ
քաղցեալ և ծարաւի՛ի քուն մտա-
նիցես, յար ուտես և ոչ յագիս .
աղբեր աղբեր չըջիս և ոչ ըմպես .
և եթէ բռնադատեցար ինչ աւելի
քան զչափն անքուն, զառաւուտն
ցանկաս տեսանել . և եթէ պայմա-
նաւ կերակրոցն և առողջութեամբ
մարմնոցդ դէպ եղեւ քեզ շարժել
զազտեղութիւն, և կամ լինիս երա-
զակոծ, այսր և անգր միտքդ դըր-
գուին, որով ՚ի տուրնջեան քեզ
չարաւ Թուիցին . և չիք իսկ ամենե-
ւին խազաղութիւն ՚ի մերում շարժ-
մունս : Իսկ յայսմանէ տէրն միւր
զՄովսէս պարկեշտագոյնս ամփո-
փեաց . Ծերութիւն ոչ Թարշամե-
ցոյց զգեղ նորա, և հիւանդութիւն
ոչ ապականեաց զմարմին նորա . ոչ
յառաջնում նուագին հեծու-
թեամբ էջ ՚ի դժոխս, և ոչ ՚ի վերջ-
նում հրաժարելս ՚ի տեսունէ դան-
դաղեցաւ ինչ Թերեւս . և վասն
այնորիկ Աստուած ինքնին իսկ ամ-
փոփեաց 6 . . սա ՚ի մահ անգր . ՚ի

ձեռն նորա փոխեաց զնա և ծածկեաց . և ձայն նորա կոչեաց զնա , և զամպն հովանի արար 'ի վերայնսցա . նոյն ինքն փութանակի ած առ սիրելին իւր զՄովսէս , որպէս և ինքն տէրն մեր ասէ . Հայր յարուցանէ զմեռեալս և կենդանի առնէ : Յարոյց Որդի զՂազար կարգաւոր առ Հայր . յարոյց զՄովսէս Հայր միաբանութեամբ Որդւոյ , զի երեւեցան իսկ առ նմա . ըստ այսմ իմաստիւր զանբակ միաբանութիւնն սուրբ Երրորդութեանն , և յարարչութեան և 'ի փրկութեան և 'ի նշանագործութեան և 'ի յարութեան նորոգմանն : Եւ վասն Մովսէսի յարութեանն մարմնովն մի ինչ տկարասցին միտք ուրուք . չէ ճառ բանիցս այսոցիկ առակ օրինակի , որպէս մեծատանն 'ի գժոխս և կամ Աբրահամու և Ղազարու յարքայութեանն . այն զհանգերձեւոցն յայտ առնէ : Տեսեր և յաշակերտաց անտի չիք ոք այնմ վկայ . քան զի ծածուկքն Աստուծոյ միայն են յայտնի . իսկ որ ճշմարտիւս երեւ

ւեցան , զայս և մարդիկ ընդ Աստուծոյ կարացին տեսանել :

Բայց ես յոյժ ազաչեմ զառնեւսեան , ինչ որ յերկրէ և այսր է՝ բազում այն է որ քննի իմաստուն մտաց , և սակաւ այն է որ ծածկի 'ի մէնջ . իսկ առ աստուածութիւնն և ոչ քան զական քթթումն՝ անկանի ընդ գիտութեամբ . զի ետ վէմն ըզջուրն՝ զայն գիտեմք ամենեքեան . ո՞րպէս ետ , ծածկեալ 'ի մէնջ . ո՞րպէս երթայր զհետ նոցա , թարքմանէ մեզ Պաւղոս . զիարդ գնայր առանց ոտից , զայն և ոչ Պաւղոս գիտէր . նոյն իսկ Պաւղոս զվերանալն իւր յերկինս՝ զնշան ճանապարհին եթէ հարցանես՝ ոչ գիտէ պատմել : Զի եկն Մովսէս 'ի մեռելոց մարմնով՝ հաւատամք ճշմարիտ . ո՞րպէս եկն , և ոչ ինքն Մովսէս գիտէ : Հաւատամք եթէ կերան անմարմինքն զճաշն Աբրահամու . նոյնպէս հաւատամք եթէ եկին Մովսէս և Եզրիա առ տէրն մեր 'ի Թաբոփթ . և եթէ ոք յայսմանէ յերկբայս լինի , երեք սիւնքն մեզ վկայեն դարձեալ .

և եթէ այլ ոք անհանձար մտօք ափցէ , եթէ կերպարանաւ միայն երեւեցան , այդմ չէ հնար , մի հաւատար . ստուեր 'ի հայելու շէրեւին բանք . ոչ ստեն աստուածային գիրք՝ ուր առական է . ոչ 'ի մարդկանէ խնդրեն վկայ , այլ մտաց իմացուցանեն զմեկնութիւն բանին . իսկ ուր ճշմարտութիւնն է , յայտնի երեւի պարզաբանութիւնն :

Ասաց Եսայի . Տեսի զտէր յաթուռ բարձրութեան . ճշմարիտ էր տեսիլն . այլ ոչ զորպիսութիւնն կարէր տեսիլն ցուցանել մեզ . ուր կամի Աստուած՝ առականք խօսի ընդ ծառայս իւր մարգարէս . և ուր եւս խոնարհութեամբ խօսի՝ և զինքն թանձրացուցանէ , որչափ բաւէ մեր ընութիւնս տեսանել . և վկայս ածէ հրաշակերտս և 'ի հրեշտակաց և 'ի մարդկանէ արգարոց . է զի 'ի կենդանեաց և է զի 'ի մեռելոց : Սոյնպէս և յայսմ տեղու շէրազում ինչ նշանս արար Աստուած 'ի ձեռն Մովսէսի , և մեծարեաց զնա քան զամենայն մարգարէսն . զտա յարոյց

'ի մեռելոց , զսա տեսաք զի կայր և խօսէր ընդ Քրիստոսի , որպէս տեսաքն և վկայեմք . որպիսութիւն յարութեան նորա՝ տեառն միայն յայտնի : Այլ զի եկին Մովսէս և Եզրա և խօսեցան ընդ Քրիստոսի , և տեսին երեք առաքեալքն , վկայեմք ճշմարիտ բանից նոցա . և որ յաչս մեր անհնար է . Աստուծոյ ամենայն ինչ հնարաւոր է :

Այլ վասն լերինն գեղեցկութեան և վայրացն վայելչութեան՝ եթէ կամիք ախորժելով ունկն դնել , սակաւիկ մի երկրորդեցից ձեզ ըզտեսիլ ցանկալի տեղոյն : Լսելով յաւետարանէն գիտէք ամենեքեան զտեղին . բայց մեր և անձամբ իսկ հասեալ և աչօք տեսեալ , ոչ յատուկ միայն առանձինն , այլ բազում ընկերակցօք . որոց և կամ իսկ եղեւ ոմանց մնալ'ի լերինն , ոչ ըստ մարմնոյ ախորժութեամբ բաղձանաց , այլ առ գութ սիրոյն Քրիստոսի : Քանզի բնակեալ են անդ բազմութիւն սքանչելի եղբարց , որք հոգւով յաճախագոյն

վարին՝ քան թէ մարմնով : Քանզի
 թէ ըստ մարմնասէր մտաց ոք հայի
 'ի տեղի անգ՝ վայելչագոյն երեւի
 քան զտեսիլս բազում լերանց .
 նախ զի նիստ նորա է 'ի մեծ գաղ-
 տի միոջ յերկրին Գալիլեացոց , և
 այլ լեառն ամենեւին հուպ ոչ գոյ
 'ի նմա , բայց տեսանելով հեռագոյն .
 և ինքն է բարձր և բուրրանխատ .
 և շուրջ զիւրեւ ունի ինքնաբուխ
 գուբա ջրոց և խիտ առ խիտս ծառա-
 տունկս բազումս՝ որք պաղարերին
 յանձրեւարուղի ամպոց , և լինին
 ազգի ազգի միրգք քաղցրահամք . և
 բազումք և այլ համագամք 7 անու-
 շութեան . որթք գինեբերք , որ իբ-
 րեւ թագաւորաց ըմպելարժանիք .
 զգէմս լերին յաճախագոյն ծառք
 ձիթենիք և եղջիւրենիք . չորեքեան
 օգք 'ի նա շնչելով . յուրվագոյն
 հիւսւտի զօրանայ 'ի նա : Եւ շաւիղն
 ընգ որ տեառնն ելեալ է , յոյժ
 ուրոգ է ելն , այսր և անգր մա-
 նուածով արարեալ ճանապարհ .
 օվ և կամի ելանել կալ յազօթս ,
 գիւբաւ զեւն 'ի վեր առնիցէ : Յոր-

Ժամ ելտնէ որ ՚ի բուն գագաթն
 լերինն , բոլոր գաշտն առ հասարակ
 յայտնի երեւի , յարեւելից կողմա-
 նէ մինչեւ ՚ի Յորգանան գետ . յա-
 րեւմուտս՝ մինչեւ ՚ի Ծովն մեծ յաշ-
 խարհն Ծայդանացւոց , ՚ի հիւսւտի՝
 մինչեւ ՚ի Ծովն Տիբերեայ , ՚ի հա-
 րաւ՝ մինչեւ յայգին Նարովթայ
 եզրայեւացւոյ . և ամենայն բազմու-
 թիւն վայրացն նստի գեւղ առ
 գեւղ և ագարակ առ ագարակ , և
 բազում քաղաքք ՚ի մէջ նոցա . և
 ինքն կատար լերինն՝ հովտաձեւ գո-
 գացեալ . գոն և ծառք սակաւա-
 գոյնք և թանձրահող բազում ՚ի նա :
 Եւ ՚ի տեղոջն ուր երեւեցաւ
 նոցա տէր լուսաւոր պայծառու-
 թեամբն , յարեւելից կողմանէ հով-
 տացն , յետ բանիցն Պետրոսի՝ հե-
 աագոյն ՚ի միմեանց շինեալ երիս ե-
 կեզեցիս , և ունին պաշտօնեայս
 բազումս , զատեալք և որոշեալք
 յամենայն մարմնաւոր ցանկու-
 թեանց , թէպէտ և կեան մարմնով ,
 այլ ոչ վարին ըստ մարմնոյ քնքշա-
 նաց . այնպիսի են առաքինիք՝ զէ և

կարծէ որ ոչ զնոցանէ թէ շարժեա-
 ցէ զնոսա կարօտութիւն մարմնոյ .
 ոչ երբէք ընկալան յումիքէ ոսկի
 կամ արծաթ կամ հանգերձ, կամ
 բնաւ որ ինչ պիտոյ է մարմնոյ . այլ
 որաչէս հաճոյ թուեցաւ միաբանե-
 լոց ամենեցուն՝ առն իւրաքանչիւր
 արարեալ փայտատ երկմատնի, և
 այնիւ խորխարեալ յուզեն զթանձ-
 րահող հովտացն, սերմանելով ՚ի
 նմա ցորեան և դարիս, և թէ այլ
 ունդք իցեն, ՚ի պէտս կելոյ մարդ-
 կան . և ՚ի չափ հասեալ հասկացն՝
 ծայրախուզ հնձելով ոտնաշուփ կա-
 սեալ մարդտցի 8 տան հողմոցն հո-
 սելով զարգիւնս շեղջոցն . և արկեալ
 ՚ի շտեմարանս, զնոյն դարձեալ ին-
 քեանք լեսուն ՚ի ձեռն երկանի .
 մեծու տաժանութեամբ օր ըստ
 օրէ պատրաստեն զհարկաւոր կերա-
 կրիկն . և գորմանին հացիւ և ջրով
 լոկով, և աղիւ համեմելով, զոր և
 խորտիկն անուանեն : Առնեն և այլ
 յաւելուած յանուշութիւն կերա-
 կրոց . ՚ի ձմեռնային ժամանակի քա-
 ղեն զնիւ լերինն և թթուեցուցանեն

ազիւ և ջրով և զոպայիւ . և որպէս
 ինքեանք իսկ ասեն , կարի օգտակար
 է 'ի տապ աւուրս խորշակի : Եւ
 չորքոտանի ամենեւին ինչ 'ի վեր 'ի
 լեառնն ոչ ելանէ . այնպէս սուրբ
 պահեն զելս ճանապարհին . իբրեւ
 թէ ժողովք հրեշտակաց իցեն և ոչ
 մարդկան . քանզի են իսկ արդարեւ
 իբրեւ զանմարմինս : Չիք նոցա եւզ
 յամանս վասն կերակրոց . բայց ե-
 թէ 'ի ծախս անշէջ կանթեղաց որ
 հանապազորդ վառեալ այրին յե-
 րիս եկեղեցիոն : Չիք նոցա գինի 'ի
 սափորս , բայց եթէ 'ի սպաս տե-
 րունեան բաժակին : Չիք նոցա
 դարման սլաճուճանաց 'ի պէտս
 հիւանդաց , և ոչ պատրաստութիւնք
 վասն օտարաց . այլ օտարաց և ըն-
 տանեաց հասարակ է նոցա միաբա-
 նութիւն . իբր ոչ եթէ ինքեանք
 մարդատեացք ինչ են , այլ մարտ
 եդեալ կռուին ընդ ասպտամբ մար-
 մնոյս , եթէ գուցէ զասպարէզան
 չկալեալ ուղիղ՝ զհեծեալն քարա-
 վէժ առնիցէ : Վասն որոյ և ոչ կա-
 մին հանապազ ճաշակել . այլ սովո-

րու(թիւն է նոցա բնական ամարանի
 ագանեւով, և ձմերանի հաւաքելով
 զաւուրս շաբաթուն . իսկ որ հզօ-
 րագոյնքն են 'ի նոսա՝ զողջոյն շա-
 բաթն ձգեալ 'ի գլուխ տանին : Ա-
 պա եթէ ոք երթայր 9 'ի հեռաս-
 տանէ առ սէր սուրբ ժողովոյն ,
 կամ եղև ամենեցուն 'ի սովորա-
 կանն լուծանել բերան . կարի յոյժ
 փոյթ յանձին ունին 'ի հոգեւոր
 կերակուրն , զի մի՛ երբէք գադա-
 րեսցին 'ի ճաշակելոյ . թէպէտ և
 հանապազ ուտեն անյագու(թեամբ՝
 եւս առաւել քաղցնուն և ծարա-
 ւին : Ոչ միայն զհարիւր և զյիսուն
 սազմոսն արկեալ 'ի վայր ձայնիւ ,
 այլ բովանդակ զսուրբ կտակարանո
 եկեղեցոյ , որով փառաւորեալ և
 ահաւոր ձայնիւք շքեպացուցանեն
 զսուրբ եկեղեցիսն 'ի լերին անդ :
 Է զոր ընթեռնուն բանիւք , և է
 զոր պաշտեն փոփոխական ձայ-
 նիւք . զգագարումն ոչ երբէք
 առնուլ յագելով փոխանորդու-
 թեամբք միմեանց գունգք գունգք
 արեւայիցն , յերիս եկեղեցիս բաժա-

նելով հասարակութեամբ առանց
 կատարելոյ ունին զկարգ պտտա-
 մանն, զտունջեանն և զգիշերւոյ .
 իսկ զերկուսն և զառաւօտին ժամն՝
 ոչ եւս փոխանակաւ յաջորդու-
 թեամբ միմեանց, այլ միաբանելով
 ընդ միմեանս լինի բազմութիւն ժո-
 ղովոյն վեցերորդ քան զայլոց ժա-
 մուցն : Եւ մի յերիտ եկեղեցիս մե-
 ծագոյն է քան զերկուսն, զոր և
 Տէրունեանն իսկ անուանեն . և
 յերկուս անդ եդեալ են զնշխարս
 առաքելոցն, որք և հիմնարկեցին
 իսկ զտեղին այնոր՝ ասելով զանուն
 երից տազաւարացն . և անուանեն
 զնոսա վկայարանս սուրբս, և յիշա-
 տակեն զնոսա յանուն Մովսէսի և
 Եղիայի . և զբոլոր աղօթանն ՚ի կիւ-
 րակէին կատարեն . իսկ յերկուսն
 եւս երթան և անդ զԱստուած փա-
 ռաւորեն : Եւ են ամենեքեան մաշ-
 կազգեացք, գիտեն և ձեռնակեր-
 տիկ արուեստ . ոմն է որ սփիւրիզն
 առնէ, և ոմանք զնոյն նիւթս սա-
 պաաս գործեն . եթէ այլ ինչ պէտք
 են՝ գործեն, ընդ լեառնն ՚ի վայր

իջանելով . և զամենայն զինչ և գործեն զարուեստն՝ ոչ յայլ ինչ պէտտօգտի , այլ ՚ի գինս ձիթոյ կանթեզացն հանապազորգ վառման , և ՚ի ծախս օգենեացն , ուստի զմաշկեզէն հանգերձիկն ձեւեն , նովին և զչոզարիրսն հայթայթեն : Դարձեալ հարկատուք են միմեանց սիրով . քանզի գոն ՚ի միջի նոցա օտարատուիք , և յիւրաքանչիւր վաստակոց անգր հարկին . են ՚ի նոսա ծերագոյնք , որք ոչ հարկին զպէտտան ձանց վճարել միարան . վասն այնպիսեացն առաւել հոգ տանին քան անձանց . վասն զի հրեշտականմանք են , ոչ միայն արտաքին պիտոյիւքն սիրեն զմիմեանս , այլ և զծածկութիւն խորհրդոց իւրաքանչիւր ոք ոչ թաքուցանէ յնկերէ . եթէ յանկարծ շարժեցան միտք ուրուք յիշելով զկերակուր տենչալիս , յայտնէ զախտն իւր միւսումն որ լաւագոյն է քան զնա . միաբանութեամբ ազօթս արարեալ ՚ի վերայ՝ վազվազակի եկն յառողջութիւն անցաւութեան . քանզի և ինքն իսկ

որ հիւանդացաւն՝ տեղեկագոյն գիտէ կռուել ընդ եկամուտ չարին խորհրդոց , մանաւանդ զի փորձիւ իսկ զչափ առեալ էր յառաջագոյն , եթէ ընդ կերակուրս մտանեն ամենայն մեղք 'ի բնութիւն մարգոյն . եթէ զայն դուռն մեղաց փակէ ոք , բազում մնասք արգելուն 'ի նմանէ . զոր ոմանք բազմագլուխ գազան կարդացին զպարարումն որովայնի : Տեսեր , և նոքա նախ զնա սպանին , և յայլ եւս 'ի մնասարար գլխոց նորա՝ աներկեւզք դագարեցին 'ի լերին անդ , զի յերկրաւոր բարձրութենէն յերկնաւոր բարձրութիւնսն առ տէրն իւրեանց կարասցեն վերաբերել , որպէս Մովսէսն և Եղիայն փառօք երեւեցան տեառն 'ի նմին լերին :

Եւ ես տառապեալս քան զամենայն մարդ , որ հետեւեցայ հետիոտս ընդ տերունեան շաւիղն 'ի լեառն անդ , և աչօք տեսի զժողով պքանչելի եղբարց , աղաչեմ զընթերցողսդ և զլսողսդ , աղօթս արարէք 'ի վերայ իմ և ձեր հասարակ .

ընդ նոսա ասրեսցուք յահաւոր
 գառաստանացն Աստուծոյ, և երկ-
 նից արքայութեանն արժանի լինել
 'ի Քրիստոս Յիսուս 'ի տէր մեր .
 որում զիսուք յաւիտեանս յաւի-
 տենից :



ՄՈՎՍԷՍ ԽՈՐԵՆԱՑԻ

Ի ՄԵՆԻ

ԱՌՈՒՐ ՑԱԳԱՆԱԿԻՆ

ԵՐԱՆԵԼԻՈՅՆ ԾՈՎԱԾԻՍԻ ԽՈՐԵ-

ՆԱՑԻՈՅ

ՍՈՒՐԲ ԵՒ ԸՆՏՐԵԱԼ ՎԱՐԴԱԳԵՑԻ

ԱՐԱՐԵԱԼ

ՈՐ Ի ԿԱՐԻԱԹԱՐԻՄ

ՈՐ ԲԵՐԷ ԶՏՕՆ ՎԱՐԴԱՎԱՌԻ

ՏՕՆԱՐԾՐՈՒԹԻՒՆ տօնակիս հիւս-
ցուցանէ զաօնողս . զի աստուածային
իր գոյ 'ի սմա , և մարդկան իմն առիթ
կենդանութեան : Զի որպէս ոյք 'ի
նաւի իցեն , և նաւն 'ի սիրտ ծովու ,
ժամանակն ձմեռնային , ալեաց
յանգգնութիւն , հողմոց անչափու-
թիւն , մրրկաց անկարգութիւն , և
նաւն այսր անգր սայլթաքեալ 'ի
մթին և յանդոյս ժամու . և ապա
սկսանի միտքն բեկանել , սիրտն
արտմնել և յոյսն հատանել . և ապա

'ի բարձունս նայիցի և մի աստղ
 նշմարիցէ, և յողւոց հանիցէ. այ-
 նուհետեւ սիրան բերկրի և միտքն
 հաստատի, և ուզցէ զճանապարհս
 իւր. այսպէս է և զմեզ իմանալ 'ի
 ծով կենցաղոյս. նաև ունել զարա-
 րած մարմինս մեր, յորմէ մարմնովս
 լինի մեզ ալիք պէսպէս ցանկու-
 թեանց. հնչին 'ի մեզ հողմ' և մըր-
 րիկք խաւարին, այսր անդր ձգեն
 զմիտս մեր 'ի կորուստ և յապակա-
 նութիւն աշխարհի. այլ 'ի բար-
 ձունս նայելով մեր և տեսաք զլուսա-
 ւոր աստղն՝ որ ցուցանէ մեզ զճա-
 նապարհ գիտութեան և իմաստու-
 թեան:

Հոգեւրից մեծն 'ի մարդտրէան
 որ 'ի գիմաց Աստուծոյ խօսի և
 ասէ. խորհուրդն իմ ինձ և ի-
 մոցն. և խորհուրդն ոչ առժամայն
 ունի զյայանութիւն. վասն այնո-
 րիկ խորհուրդ ասի զի ծածկեալ էր
 'ի բազմաց. սոյնպէս տապանակն
 Աստուծոյ յայանէր տեսութեամբ
 և ծածուկ խորհրդով. այլ Մովսէ-
 սի և Յեսուայ միայն յայանեաց

Ատտուած : Ասէ Ատտուած Մովսէսի . Արասցես տապանակս յանփուտ փայտից . և զչափ տաց զչայնութեան և զերկայնութեան . և հրաման տաց ծածկել զնա ոսկւով և արծաթով ներքոյ և արտաքոյ :

Արդ տապանակն խորհուրդ մարդկային բնութեանս . զի որպէս ամենայն փայտ 'ի հրոյ , այլ ոչ ամենայն փայտ ապականի 'ի գիջութենէ խոնաւութեան , և յորդանց վնասակարաց . նոյնպէս և ամենայն մարդ լուծանի 'ի մահուանէ , այլ ոչ ապականի 'ի մեղաց : Փայտ առաց առնուլ տէրն՝ Մովսէսի , այլ ոչ զամենայն փայտ ապականացու , այլ զանփուտն ասէ՝ զանապականն , զի փայտն այն ոչ ժամանակաւ ծերանայ և ոչ տեղի տայ ցեցոյ և ոչ փտի 'ի գիջութենէ : Որպէս և ընտրեաց Ատտուած զիւր սուրբ զառաքեալն և զերջանիկ մարտիրոսս և զսրբասնեալ կուսանան և զերանելի սուրբ հայրապետն , և զընտիր կրօնաւորս որ ընտրեցան 'ի մարդկային բնութենէս . և զոր օրինակ

Ծածկեցաւ փայտն յոսկւոյն և յար-
ծաթոյն ընկղմեալ տեսակ փայտին ,
և միայն փայլէր ոսկին . նոյնպէս և
ընութիւնս մեր Ծածկեցաւ առա-
քինութեամբ և փայլեաց աստուած-
պաշտութեան լոյսն . զի սուրբքն
ամենայն ոչ ետուն տեղի որդանն՝
որ է յիսակալութիւն որոհի , և ոչ
ընկալան զխոնաւութիւն , որ է հեշ-
տութիւն և ցանկութիւն աշխար-
հիս : Եւ արգ գնալն տապանա-
կին յայլազգիսն զգալուտան Քրիս-
տոսի յաշխարհս նշանակէր . քան-
զի ամենայն կուռք խորտակեալ
բարձան յաշխարհէ : Այրն որ գոյժ
արկ Հեզեայ՝ Յովհաննէս մկրտիչ
նշանակէ . այլ մեզ պարտ է գալ 'ի
մեկնութիւն տապանակին , եթէ
զէնչ խորհուրդ գոյ 'ի նմա :

«Եւ արար Բեսելիէլ զաշտանակն
յանփուտ փայտից չորեքկուսի , և
պատեաց զնա ոսկով սրբով ներքոյ
և արտաքոյ . 'ի կանգնոյ և 'ի կիսոյ
զլայնութիւն նորա , և 'ի կանգնոյ և
'ի կիսոյ զբարձրութիւն նորա . չորք
ողովանեակք 'ի նմա , և երկու

լծակք՝ որ բառնային քահանայքն .
 և քաւութիւնն 'ի վերայ նորա , և
 քերորէքն որ հովանի ունէին 'ի վե-
 րայ քաւութեանն , և երկու տախ-
 տակքն 'ի նմա , և բուրվառն ոսկի և
 սափորն ոսկի լի մանանայիւ և գա-
 ւազանն Ահարոնի ր : Արդ տապա-
 նակն յանփուտ փայտից նշանակէր
 զանապական մարմինն Քրիստոսի .
 իսկ պատեալն ներքոյ և արտաքոյ
 ոսկով սրբով զմիաւորութիւնն աս-
 տուածութեանն ընդ մարմնոյն . զի
 ոսկին ատրք՝ աստուածութեանն է
 օրինակ . իսկ չափն՝ ժամանակ գա-
 լըստեանն . իսկ չորեքկուսի՝ զընու-
 տիեզերաց հաւատովն Քրիստոսի ,
 և ոչ որպէս 'ի հնումն փակեալ կալ
 'ի մի ազգ . իսկ ողմանեակքն՝ ըզ-
 չորս աւետարանիչս նշանակէ , որք
 Հոգևով սրբով լցին զտիզերս . իսկ
 երկու լծակքն զօրէնս և զմարդա-
 րէս . գարձեալ , զերկուս կտակա-
 րանս զհինն և զնորս , որ 'ի միաւո-
 րութիւն եկեալ 'ի Քրիստոս հաս-
 տատեալ՝ բարձին յինքեանս զաս-
 տուածութիւնն նորա հանդերձ մար-

մնումք . իսկ լծակքն օսկով պատեալ
 զսուրբ և զանբիծ հաւատս և զխոս-
 տովանութիւն Երրորդութեանն ,
 հանգերձ ամենայն գիտութեամբ
 պատուիրանաց Աստուծոյ : Յու-
 ցանեն և այլք զնոր փրկութիւն
 յայանեալ 'ի Քրիստոսէ . որպէս
 սափորն զկոյսն անապական , ուս-
 տի ծագեաց Քրիստոս . և քաւու-
 թիւնն՝ զխաչն յոր բեւեռեցաւ
 Քրիստոս . իսկ գաւազանն՝ զընտ-
 րութիւն քահանայութեանն 'ի
 խորհուրդն Քրիստոսի . իսկ քե-
 րովքէքն ցուցանեն զՅուսիսն աս-
 տուածութեանն 'ի մարգիկ և զըս-
 պասաւորութիւն գասուցն 'ի խոր-
 հուրդ եկեղեցւոյ . իսկ երկու տախ-
 տակքն զհոգի և զմտորմին գրեալ
 Հոգւովն Քրիստոսի 'ի հաւատս և
 'ի գործս կենդանի լոմամբ պարգե-
 ւացն Աստուծոյ . իսկ բուրվառն
 օսկեղէն՝ գարձեալ լցեալ Հոգւովն
 սրբով և զօրութեամբ Բարձրելոյն
 կոյսն Մարիամ : իսկ որ հրամայ-
 եաց Յեսու քահանայիցն երկու
 հազար կանգուն 'ի բացեայ տանել

զտապանակն 'ի ժողովրդենէն , այս
 նշանակէր զԱստուծոյ , որ դեռ
 եւս տակաւին հեռագոյն էր 'ի
 մէնջ , սակաւ ինչ մասն ճաճանչա-
 ւոր երեւեալ աստուածութեան ,
 այլ ոչ բաւանդակութիւն . մինչեւ
 գթացեալ ողորմեցաւ և յայտնե-
 ցաւ 'ի ձեռն սրբոյ կուսին : Իսկ
 թիւն ցուցանէր յԱբրահամէ՝ ուր
 նկարեցաւ օրէնքն թլփատութեանն
 մինչեւ 'ի գալուստն Քրիստոսի .
 իսկ զի ոչ թացաւ ոտք քահանայ-
 իցն 'ի ջուրն Յորդանանու , զի ոչ
 էին ծնունդք ջրոյ՝ այլ սրոյ , ո-
 ղով թլփատեալք էին . գարձեալ
 և ոչ տապանակն , քանզի անունն
 Յիսուսի գրեալ կայր 'ի նմա : Իսկ
 օրինակ և անուն առանց մարմնոյ և
 արեան ոչ մկրտի . իսկ ջուրն որ 'ի
 վեր գարձաւ՝ սքանչելեօք և ոչ ըստ
 բնութեան , այս զհեթանոսաց նշա-
 նակէ , ներքուստ 'ի վեր ելանելով ,
 այսինքն 'ի բարձրագոյն հաւատն :
 Իսկ կէսն որ 'ի Մեռեալ ծովն ան-
 կաւ՝ հոսմամբ , այն զՀրէիցն նշա-
 նակէ , որ 'ի ճշմարտութենէ հաւա

տոյ 'ի բաց անկան և ոչ կացին յուխ-
 տին տեառն Աստուծոյ : Իսկ երկո-
 տասան քարինքն որ ելին 'ի գե-
 տոյն , այս զերկոտասան առաքե-
 լոցն բերէ զորինակ . իսկ նոյնչափ
 քարինքն որ իջին 'ի գեան , այս
 զերկոտասան ազգատոհմին նշանա-
 կէր , որ գեռ եւս ասկաւին կան
 'ի նոյն հրէական սղմին . իսկ որ
 հրամայեաց Աստուած Յեսուայ
 յանառաջ քարանց սեղան շինել ,
 այս զհեթանոսաց զանպտղուծիւնն
 նշանակէր որ քարացեալք էին : Իսկ
 զի սուր ոչ հրամայեաց հպել 'ի
 քարինս սեղանոյն , վասն զի ամե-
 նեքեան ընդ ասականուծեամբ էին
 անկեալ . զի երկաթ երկրագործաց
 է և պատերազմողաց և արուեստա-
 ւորաց , և յԱստուծոյ արարածս 'ի
 մարդս . զի գու 'ի քո բնութիւնդ
 իմանցիս , եթէ 'ի քո բնութիւնդ
 ոչ յաւելուլ պիտի և ոչ պակասե-
 ցուցանել , և ոչ յօտար գործ ձեռն
 մերձեցուցանել՝ որովպզծի մարդն .
 զի որ արարն զքեզ՝ իւր տաճար ա-
 րար , իւր սեղան կանգնեաց և 'ի

քեզ բնակէ անքակութեամբ : Իսկ
 գայլախաղիւն թլփատեալ զժողո-
 վուրդն Յեսու 'ի Սատինա . մի զի
 դիւրագիւտ էր և առժամայն պատ-
 րաստ . և երկրորդ զի քարին խո-
 ցուածն արագ ածէ զվէրն քան զեր-
 կաթոյն . և երրորդ զի սուր սպա-
 նութեան գործարան է . և անսուրբ
 իսկ վիմով թլփատելն՝ նշանակէր
 զլէմն Քրիստոսի , որ հանգերձեալ
 էր զմեզ առանց գործարանի թլփա-
 տել , այսինքն հոգւովն սրբով , որ
 է անձեռագործ թլփատութիւն :
 Իսկ ընդէր զսուրն քարեղէն ընդ
 ինքեան թաղեաց Յեսու . քանզի
 հանգերձեալ էր Քրիստոս իւրով
 թլփատութեամբն բառնալ զթըլ-
 փատութիւն , զորոյ զպատկեր յին-
 քեան օրինակէր Յեսու . վասն այ-
 նորիկ թաղէր , զի մի երեւեցցի :
 Իսկ Երիբով կործանէր 'ի ձեռն
 տապանակին , ձայնիւ լոկով շուրջ
 անցանելով զեւթն օր . այսպէս և
 գժոխք կործանեցաւ 'ի ձեռն աղա-
 զակելոյն Քրիստոսի 'ի վերայ խա-
 ջին , եւթն օր շուրջ գալով զքա-
 ղաքաւն :

Դարձեալ զինի այսորիկ յորժամ
 գնացին Խարայեւացիքն ընդգէմ այլ
 ազգեսոց յաւուրս Հեղեայ քահա-
 նային և եղեւ պատերազմ սաստիկ,
 և անկան յԽարայելէ երեսուն հա-
 զար գասուց, և որդիքն Հեղեայ կո-
 տորեցան և տապանակն Աստուծոյ
 առաւ. արգ առեալ զտապանակն
 Աստուծոյ տարան յԱզովտոս, ուր
 էր Դադոն աստուած նոցա. իսկ
 նա անկեալ կործանէր վազվազակի
 'ի վերայ երեսաց իւրոց առաջի տա-
 պանակին. իսկ քուրմքն գային և
 կանգնեալ ամրացուցանէին զնա զի
 մի անկցի. և եկեալ 'ի միւսում ա-
 ւուր և գտին զԴադոնն 'ի վերայ
 սեմոցն և հատեալ զգլուխ յու-
 լանն, և երկոքեան Թաթք ոտիցն և
 երկոքեան դաստակետոք ձեռացն
 ցրուեալք ընդ տունն. և վասն այ-
 նորիկ ոչ կոխեն քուրմք զսեամս
 տանն Դադոնայ: Արգ Դադոն օրի-
 նակ է սատանայի. և զոր օրինակ ոք
 զչար գազան ունի և զժանեզ և ըզ-
 մագլաւոր, զժանխան քազէ և զմա-
 գիլան, զի մի զոք մեասեսցէ 'ի մեր-

ձաւորաց . այսպէս և Քրիստոս արար զսատանայ , հատեալ զգլուխն կոխան ետ սրբոցն , և եհաա զձեռս և զոտս . իոկ ողնայարն որ մնաց՝ այն է զոր Յոր ասաց , եթէ Ողն նորա ձոյլ երկաթի և սիրտ նորա իբրեւ զսիրտ գարբնաց , և կողք նորա սր-
 զքնծիք և փոր նորա ագամանդեայ քարինք : Եւ գարձեալ եհար զնոսա յերաստանս և ՚ի նստոյ աեզխան , զի ՚ի դուրս եկեալ լինէին . և եռացոյց մուկն յանգս նոցա . և նոքա տեսեալ զայն և զարհուրեալ փոխեցին ՚ի Գէթ . և անդ եւս սաստկացաւ հարուածն : Ապա կոչեցին զքուրմնն և հարցանէին , և նոքա ասեն . Այս մասն Աստուծոյ է , արդ արձակեացուք զտապանակն Աստուծոյ , և մի՛ ունայն . և արարին յօրինակ և ՚ի պատկեր ոսկի վասն գազանին , և զմկունս ոսկիս և քուրց լի ոսկով , և եգին ՚ի նոր սայլի . և լծեցին անգրանկածին երինջս և արձակեցին . և հինգ քաղաքք էին , ՚ի մի մի քաղաքէ նախարար մի , և հինգ մկունք ըստ քաղաքացն , նոյն

պէս և հինգ երատանք . և բերին
 'ի Բիւթատմիայ յԱհարոն , և անտի
 'ի Գաղա , և անտի յԱսկաղոն և 'ի
 Կարիաթարիմ : Արգ հինգ միուռնքն
 օրինակ էին հինգ զգայութեանս ,
 որ պզծեալ էին անմաքրութեամբ
 իբրեւ զմուկն . այլ 'ի ձեռն Քրիս-
 տոսի հաւատոցն յաւազանին մա-
 քրութեան սրբեցան և եղեն պա-
 տուականք : Իսկ տապանակին առ-
 նուէն յայլազգեաց և կոտորել զիս-
 րայէլացիան , նշանակէր զԱգամայ
 անկանեւն 'ի փառաց 'ի ձեռն պա-
 տուիրանազանցութեանն և չարին
 խարէութեամբ լինել ընդ իշխա-
 նութեամբ օտաանայի . զի մերկա-
 ցուցեալ զփառս 'ի մարգոյն , յան-
 խնայ կոտորէր մեզօք զամենեւեան :
 Իսկ գարձումն տապանակին յիւր
 իշխանութիւնն , այս զԱգամայ ան-
 գրէն զգարձ փառօք 'ի կեանս :
 Դարձեալ այլում նշանակ էր
 առումն տապանակին . զփախչելն
 Քրիստոսի յԵգիպտոս , զորմէ ասէ
 Եսայի . Հարժեացին ձեռագործքն
 Եգիպտոսի յերեսաց նորա . և գար-

ձեալ . Եղիցի յաւուր յայնմիկ հինգ
 քաղաք որ խօսեացին 'ի լեզուս և
 երգնուցուն յանուն Աստուծոյ :
 Կմանապէս և Երեմիայ ետ նշանս և
 ասէ , թէ Կործանեացին պարիսպքն
 'ի ձեռն ծնիցելոյ մանկանն , և
 սուրբն Աստուած հաւատասցի :
 Իսկ 'ի մտանելն Քրիստոսի յԵգիպ-
 տոս՝ սրբեցաւ մայրաքաղաքն ամ-
 պարշտաց , և դարձումն ըստ այնմ ,
 եթէ յԵգիպտոսէ կոչեցից զորգի-
 իմ , զոր ասէ Եսայի . զի Եգիպտոս
 գժոխոցն օրինակ էր . և որպէս Մով-
 սէս տանջեալ զնոսա հարուածովք,
 եհան զժողովուրդն յանապատ իբ-
 րեւ յերկաթի հնոցէ , և ընկզմեալ
 զՓարաւոն որ է սատանայ . այսպէս
 և Քրիստոս արարեալ հաւատացե-
 լոց՝ ազատեաց զեկեղեցի համօրէն
 ամենայն բնութեամբ մարդկան :
 Իսկ տապանակն յորժամ դարձաւ՝
 յաւուրս հնձոց էր . և հնձողքն
 իբրեւ տեսին՝ ցնծացան և զուար-
 ճացեալ ընգզէմ ընթացան , առին
 և ընկալան . զսայլան խորտակեցին և
 եգին 'ի վերայ վիմի , և զերինջան

յողջակէզս հանեալ առաջի տապա-
նակին : Արգ վէմն օրինակ այսմ սե-
զանոյս . իսկ փայան՝ խաչին էր տիպ .
երինջն՝ Քրիստոսի , որ պատարա-
գեցաւ ՚ի վերայ խաչին : Դարձեալ
օրինակ էին քահանայից . զի որպէս
նոքա ծնանին եզինս որ գործեն
զերկիր , այսպէս քահանայք զքանս
Աստուծոյ , որ երկրագործէ զքա-
նաւոր երկիր : Դարձեալ՝ երկուց
կտակարանայ , որ զՔրիստոս բար-
ձեալ ունին յինքեանս . և որպէս
հնձողքն տեսին զտապանակն և ու-
րախացան յոյժ , այսպէս և Քրիս-
տոսի առաքեալքն յորժամ տեսին
զՔրիստոս յարուցեալ ՚ի մեռելոյ
և եա նոցա ողջոյն , և նոքա խնգա-
ցին և ուրախացան , և ոչ միայն նո-
քա , այլ և բոլոր տիեզերք : Իսկ
յորժամ էր Երեմիայ յԵրուսաղէմ
և իւրքն որ մնացեալ էին ՚ի գերու-
թենէ կամէին սպանանել զնա յԵ-
գիպտոս , ոչ նորա կամօք , այլ ա-
կամայ ՚ի բռնութենէ . իսկ նորա
իմացեալ Հոգւովն սրբով , առ ըզ-
տապանակն և տարաւ յայր ուրեմն՝

ուր տուան օրէնքն . և իբրեւ եմուտ
 'ի ներքս 'ի յայրն տապանակաւն
 հանգերձ , ազօթեաց և խնդրեաց
 յԱստուծոյ բանալ վիմին և ծած-
 կիլ 'ի նմա տապանակին . իսկ իբրեւ
 ծածկեցաւ՝ կնքեաց զտեղին և գը-
 րեաց զանուն Աստուծոյ , և իբրու-
 երկաթի գրչաւ գծագրեցաւ գիրն
 'ի նմա . ապա ինքն եկեալ 'ի դուրս
 յայրէ անտի և յԵգիպտոս գնաց :

Այլ որ ամենեցուն Աստուածն
 է և տէրն տերանց , Հայրն փառաց ,
 և Որդին միածին և սուրբ Հո-
 գին Ճշմարիտ , որ սովոր է զիւրն
 ինքն պատուել , զի լոյս հանապազ
 յամենայն գիշեր երեւի 'ի վերայ .
 բայց յայտնի և յառնէ 'ի նեռին
 ժամանակս , և դնի յայնմ տեղոջ
 ուր օրէնքն տուան . և սուրբք ամե-
 նայն առ նա ժողովին , և պահէ
 զնոսա . և ո՞վ է որ բառնայ զնա , ե-
 թէ ոչ Մովսէս օրէնսդիրն , և լինի-
 ցի յանգիմանիչ հրէական ազգին ,
 որք ոչ հաւատացին գրոյն և օրի-
 նացն : Բայց յայնժամ բազումք
 հաւատան յաստուած և մարտիրո-

ԵՂԻՇ . ՅԱՅԼԱԿԵՐԿ . 6

սանան 'ի նեռնէն շարաչար մա-
հուամբ, հարիւր և քառասուն և
չորս հազար, 'ի Քրիստոս Յիսուս
'ի տէր մեր. որում փառք յաւի-
տեանս. ամէն :



ԾԱՆՕԹՈՒԹԻՒՆՔ

- 1 . Յօր . այն է :
- 2 . Յօրին . պակասէր բայն :
- 3 . Յօր . յէրկիրս :
- 4 . Յօր . այն գիրն :
- 5 . Յօր . Կէսինն :
- 6 . Յօրին . կրճատեալ էր բառն :
- 7 . Յօր . համանգամս :
- 8 . Այսպէս յօրինակին :
- 9 . Յօր . էշէայր :



Յ Ա Ն Կ

ԺԸ . ՀԱՑՈՐՈՅ

- Եղիշէի քահանայի ճառ յԱյ-
լակերպութիւն Տեառն . . . 5
- Մովսէսի խորենացւոյ ճառ 'ի
մեծի աւուր Տապանակին . . 71

